

॥ कोबातीर्थमंडन श्री महावीरस्वामिने नमः ॥

॥ अनंतलब्धिनिधान श्री गौतमस्वामिने नमः ॥

॥ गणधर भगवंत श्री सुधर्मस्वामिने नमः ॥

॥ योगनिष्ठ आचार्य श्रीमद् बुद्धिसागरसूरीश्वरेभ्यो नमः ॥

॥ चारित्रचूडामणि आचार्य श्रीमद् कैलाससागरसूरीश्वरेभ्यो नमः ॥

आचार्य श्री कैलाससागरसूरि ज्ञानमंदिर

पुनितप्रेरणा व आशीर्वाद

राष्ट्रसंत श्रुतोद्धारक आचार्यदेव श्रीमत् पद्मसागरसूरीश्वरजी म. सा.

जैन मुद्रित ग्रंथ स्केनिंग प्रकल्प

ग्रंथांक : १



श्री महावीर जैन आराधना केन्द्र

आचार्यश्री कैलाससागरसूरि ज्ञानमंदिर
कोबा, गांधीनगर-श्री महावीर जैन आराधना केन्द्र
आचार्यश्री कैलाससागरसूरि ज्ञानमंदिर
कोबा, गांधीनगर-३८२००७ (गुजरात)
(079) 23276252, 23276204
फेक्स : 23276249


Websiet : www.kobatirth.org

Email : Kendra@kobatirth.org

शहर शाखा

आचार्यश्री कैलाससागरसूरि ज्ञानमंदिर
शहर शाखा
आचार्यश्री कैलाससागरसूरि ज्ञानमंदिर
त्रण बंगला, टोलकनगर
परिवार डाइनिंग हॉल की गली में
पालडी, अहमदाबाद - ३८०००७
(079) 26582355

॥ श्री विपाकांग सूत्रम् ॥



પૂ. આચાર્યદેવ શ્રી જ્ઞાનંદસાગરસૂરીશ્વરજી મ.સા.ના ચરણે શત્ શત્ વંદન...



देवसूरतपागच्छसमाचारीसंरक्षक-सुविहितसिद्धांतपालक
 बहुश्रुतोपासक-गीतार्थ-चारित्रचूडामणि-आगमोद्धारक पूज्यपादआचार्यदेवेश
 श्रीआनंदसागरसूरीश्वरजीमहाराजा संशोधित-संपादित ४५आगमेषु

॥ श्रीविपाकदशाङ्गम् ॥

♦ आलेखन कार्य - प्रेरक - वाहक: ♦

प्रवचन प्रभावक पू. आ. श्री हेमचन्द्रसागरसूरिजी म.सा. शिष्यरत्न पू. गणिवर्य श्री पूर्णचन्द्रसागरजी म.सा.

♦ आलेखन कार्य वाहक संस्था ♦

पूज्यपाद सागरजी महाराजा संस्थापित जैनानंद पुस्तकालय - सुरत

आलेखन कार्ये किंचित् संस्मरणाणि

* आलेखन कार्ये आशीवृष्टिकारका :

पू. गच्छा. आ. श्री सूर्योदयसागर सूरेश्वरजी म.सा.

पू. आ. श्री. नरेन्द्रसागर सूरेश्वरजी म.सा.

पू. आ. श्री अशोकसागर सूरिजी म.सा.

पू. आ. श्री जिनचन्द्रसागर सूरिजी म.सा.

पू. आ. श्री हेमचन्द्रसागर सूरिजी म.सा.

* आलेखन कार्ये केचित् मार्गदर्शका :

पू. आ. श्री दोलतसागर सूरिजी म.सा.

पू. पं. श्री हर्षसागरजी म.सा.

पू. गणीश्री सागरचन्द्रसागरजी म.सा.

पू. गणी श्री नयचन्द्रसागरजी म.सा.

पू. गणी श्री अक्षयचन्द्रसागरजी म.सा.

पू. मुनि श्री लब्धिचन्द्रसागरजी म.सा.

माहिती दर्शक पत्र

■ आलेखन कार्ये सहयोग प्रदाता :

मुनिश्री आगमचन्द्रसागरजी म.सा.

श्राद्धगुण संपन्न श्री नरेन्द्रभाई मुक्तिलाल महेता (सूर्यगामवाला)

■ प्रथम संस्करण - सं. २०६१, का. सु.५.

■ कृति - २५०

■ कोऽधिकारी...?- श्रुत भाण्डागारं श्रमण प्रधान चतुर्विध संघाश्च

■ संग्राहकालय - जैनानंद पुस्तकालय, गोपीपुरा, सुरत।

■ व्यवस्थापका :

श्री उषाकांतभाई झवेरी- श्री नरेशभाई मद्रासी-श्री श्रेयस के. मर्चन्ट

■ आवास : निशा-१ १ले माले ,गोपीपुरा, काजीनुं मेदान,
तीनबत्ती, सुरत. दूरभाष - २५९८३२६ (०२६१)

■ मुद्रण कार्यवाहक

श्री सुरेश डी. शाह (हेष्मा)-सुरत।

संपादक श्री

॥ પ્રાક્-કથન ॥

॥ કત્થ અમ્હારિસા પાળી દુષમા-દોષ દુષિયા, હા; અણાહા કહં હૂન્તા...! ન હૂન્તો જહ્ જિણાગમો ॥

દુષ્મકાળે જિનાગમ-જિન પ્રતિમા ભવિયણ કું આદ્ધરા...!!

ભવાટવીમાં ભ્રમિત પ્રાણીને ભીમ મહાટવીમાંથી બહાર લાવનાર મિથ્યાત્વરૂપ અંધકારમાંથી પ્રકાશ તરફ ગતિ કરાવનાર શ્રુતજ્ઞાનની મહત્તા અદ્વિતીય કક્ષાની છે. શ્રુતજ્ઞાનનો મહીમા પરમ મનનીય અને માનનીય હોવાના કારણે પ્રભુ શાસનમાં પરમ આધાર ભૂત કરણ તરીકે ગણના કરી છે. આગમએ વીર પ્રભુની વાણી સ્વરૂપ છે.

આગમોની રચના કાળ :- પ્રભુ મહાવીર સ્વામીના શાસનની અપેક્ષાએ વીર નિર્વાણ સંવત પૂર્વે ૨૯, વિક્રમ સંવત પૂર્વે ૪૯૯ વર્ષે વૈશાખ સુદ એકાદશી દિને તારક તીર્થંકર પ્રભુ મહાવીર દેવની ત્રિપટ્ટીને પામી આઘ ગણધર અનંતલબ્ધિ નિધાન શ્રી ઈન્દ્રભૂતિ (ગૌતમસ્વામીજી) આદિ એકાદશ ગણધરોએ આગમોની રચના કરી તેજ ક્ષણે પ્રભુએ તેની યથાર્થતા-ગણાનુજ્ઞા-શાસનાનુજ્ઞા આદિના વાસકેપથી જાહેર કરી.

ગણધર ભગવંતના શિષ્યો-મુનિઓએ યથાયોગ્યતાનુંસાર શિષ્ય-પ્રશિષ્યાદિ પરિવારને વિનયપૂર્વક શાસ્ત્ર નિર્દિષ્ટ વિધિ-મર્યાદા પૂર્વક ગુરુ પાસેથી મુખપાઠ રીતે દ્વાદશાંગીનો અભ્યાસ કરતા હતાં, લખીને કે લખેલ પુસ્તકો દ્વારા ભણવા અંગે તત્કાળે પરંપરા ન હતી.

પ્રથમ વાચના :- વીર પ્રભુના નિર્વાણબાદ તેમની પટ્ટ પરંપરામાં પાંચમા કેવલી તરીકે પ્રસિધ્ધ શ્રી ભદ્રબાહુ સ્વામીજીના સમયમાં વિષમકાલના બલના પ્રભાવે ભયંકર બાર વર્ષીય દુકાલ પડ્યો સાધુઓ અનુકૂળતા મુજબ વેર વિખેર થયાં, સાથો સાથ વીર નિ. સં. ૧૫૫ લગભગમાં નંદવંશના સામ્રાજ્યનો પલટો થયો, દેશમાં ભયંકર આંધી વ્યાપી, જૈન શ્રમણોના વિહારના કેન્દ્રરૂપ મગધદેશની

રાજધાની પટણા અને પંજાબ વચ્ચેના પ્રદેશો ભીષણ પરિસ્થિતિમાં મૂકાયા, શ્રમણ સમુદાયના વિખરાઈ જવાથી આગમોનું પઠન-પાઠન ખુબ જ અવ્યવસ્થિત થયું, જ્ઞાની પુરૂષોમાંથી કેટલાયે સ્વર્ગે પધાર્યા, મુખપાઠની પધ્ધતિ પર એક જબરદસ્ત ધક્કો લાગ્યો પરિસ્થિતિને સુધારવા વીર નિ. સં.-૧૬૦ લગભગમાં પાટલીપુત્ર નગરે (પટના-બિહાર) શ્રી સ્થુલભદ્ર સ્વામીની અધ્યક્ષતામાં શ્રમણસંઘ એકત્રિત થયો, ગીતાર્થોની સલાહ મુજબ દ્વાદશાંગીની સંકલના વ્યવસ્થિત કરવાનો પ્રયાસ કર્યો, પ્રાયઃ આ પ્રથમ આગમ વાચના થઈ તેનું નામ ‘ શ્રી દ્વાદશાંગ-શ્રુતસંકલન’ નામે પંકાયાનો ઇતિહાસ મળે છે.

દ્વિતીય વાચના :- તેમના પછી જિનકલ્પીના અભ્યાસક આર્ય મહાગિરીજીના ગુરૂ ભ્રાતા પૂ. આ. શ્રી આર્ય સુહસ્તિ સૂરિ પ્રતિબોધિત પ્રભુ શાસનના ચરમ ભક્ત સમ્રાટ સંપ્રતિએ ઉજ્જૈનમાં આર્ય સુહસ્તિ મ. ને વિનંતી કરી તેમના સાનિધ્યમાં વીર નિ. સં. ૨૪૫ થી ૨૮૧ના વર્ષોમાં જિનાગામની સાચવણી સુરક્ષિત રહે તેવા યથાર્થ પ્રયાસો કર્યા, પઠન-પાઠનની વ્યવસ્થામાં આવેલી ખામીને દૂર કરી જેથી આ બીજી વાચનાનું નામ ‘ આગમ સંરક્ષણ વાંચના’ દૃષ્ટિ ગોચર થાય છે.

તૃતીય વાચના :- મૌર્ય રાજવંશીઓનો સેનાપતિ પુષ્યમિત્રે રાજદ્રોહ કરી રાજા બન્યો ધર્માધ બનેલા સમ્રાટ સંપ્રતિની શાસન પ્રભાવનાને નામ શેષ કરવા તેણે જૈન શ્રમણો તથા બૌદ્ધ શ્રમણોના શિરચ્છેદ કરાવી કાળો કેર વર્તાવ્યો, સાધુઓ પ્રાણ રક્ષાએ કલિંગ દેશ તરફ ચાલ્યા ગયા, કલિંગાધિપતિ મહામેઘવાહન ખારવેલ મહારાજા પરમ જૈન હતાં. આ પ્રમાણે પ્રાણ બચાવવાની વ્યથામાં જિનાલયો તથા, આગમ પઠન-પાઠનની વ્યવસ્થાને જબરદસ્ત હાની થવા પામી, કલિંગ દેશના રાજા ભિક્ષુપુરાય ખારવેલે તેનો પરાજય કરી ફરી જીવંત કરવા પ્રયાસ કર્યો વીરનિ. સં. ૩૦૦ થી ૩૩૦ સુધીના મધ્યાહ્ન કાલમાં મુનિ સમ્મેલનમાં જિનકલ્પીની તુલના કરનાર પૂ.આ. મહાગિરીના શિષ્યો-પ્રશિષ્યો આ. બલિસ્સહ સૂ.મ. આ. દેવાચાર્ય, આ. ધર્મસેન વિગેરે ૨૦૦ શ્રમણો, આ. સુસ્થિત સૂરિ વગેરે સ્થવિર કલ્પિ ૩૦૦ શ્રમણો, આર્યા પોઈણી વિગેરે ૩૦૦ શ્રમણીઓ, સીવંદ, ચૂર્ણક, સેલગ વગેરે ૭૦૦ શ્રાવકો અને પૂર્ણ મિત્રાહિ ૭૦૦ શ્રાવિકા દ્વારા ત્રીજી આગમ

વાચનામાં અગિયાર અંગો અને દશ પૂર્વોના પાઠોને વ્યવસ્થિત કરવામાં આવ્યા.

ચતુર્થ વાચના :- કાલાધિન અંતિમ દશપૂર્વધર, બાલ વૈરાગી, અનુપમ સંવેગી શ્રી વજ્રસ્વામીએ અંતિમ સમયે સ્વ પટ્ટધર શ્રીવજ્રસેન સૂ.મ.ને ભયંકર દુકાલના ચરમ સમયની જાણમાં 'લાખ સોનેયા આપીને એક હાંડી ભાતની ચડશે તેના બીજા દિવસથી સુકાલ થશે' આ વાત જણાવી આવો ભયંકર દુકાલ વીર નિ. સં. ૫૮૦ થી ઉત્તર ભારતમાં વ્યાપ્ત થયો. જેમાં ગણો-કુલો-વાચકવંશો માત્ર નામશેષ થઈ ગયા. આગમ વારસો ટકાવનાર મુનિપુંગવોની સંખ્યા જૂજ થઈ ગઈ કાળ-બળ ક્ષયે ધારણા શક્તિની અનુકૂલતા પ્રમાણે પણ જો આગમનું સંકલન કરવામાં નહીં આવે તો રહ્યા સાધુઓ પણ રહેલા આગમના વારસાને સાચવવા સમર્થ ન નિવડી શકે માટે ભવિષ્યના અલ્પશક્તિવાળા પણ મેઘાવી સાધુઓને રાખવામાં વિષયાનુસંધાન દ્વારા સુગમતા સાંપડે તેથી સમકાલીન અન્ય પ્રભાવક આચાર્યોની સંમતિ લઈ શ્રી આર્યરક્ષિત સૂરિ મ. ચાર અનુયોગની વ્યવસ્થા કરી. આગમોને ચિરંજીવ બનાવ્યા વીર નિ. સં. ૫૮૨ લગભગમાં દશપુર (મંદસૌર) (માલવા) નગરે ચોથી વાચના થઈ.

પંચમ વાચના :- વીર સં. ૮૩૦ થી ૮૪૦ લગભગમાં પૂ. આ. સ્કંદિલ સૂરિએ ઉત્તરાપથના મુનિઓને મથુરામાં તથા નાગેન્દ્રવંશીય પરમ પ્રભાવક શ્રી હિમવંત ક્ષમા શ્રમણના શિષ્ય આ. શ્રી નાગાર્જુન સૂરિએ દક્ષિણાપથના મુનિઓને વલભીમાં આગમોની સંકલના કરવા એકઠા થયા કીર્તુ તે સમયની દેશગત અંધાધુંધીના કારણે એક જ સાથે ભિન્ન-ભિન્ન સ્થળે આગમવાચનાઓ કરી ભવિષ્યમાં માથુરી અને વલભીવાચનાઓના પાઠ ભેદોનું સમન્વય સહજ થઈ જશે આ હેતુપૂર્વક પાંચમી વાચના કરી.

ષષ્ઠી વાચના :- તેજ ભાવનાઓ અનુસાર માથુરી વાચનાના વારસદાર આ. શ્રી દેવદ્વિગણી ક્ષમાશ્રમણે તથા વલભીવાચનાના વારસદાર આ. શ્રી કાલક સૂરિએ ભેગા મળી. શ્રમણ સંઘને એકત્રિત કરી, કાલકમે વિણસી જતા આગમના ખજાનાને સ્થાયી બનાવવાના શુભ આશયથી શ્રી શત્રુંજ્યાધિષ્ઠાયક શ્રી કપર્દીયક્ષ આદિ દૈવીક સહાયકથી ૫૦૦ આચાર્યાદિઓએ મળી વલભીપુર(વળા સૌરાષ્ટ્ર)માં

પુસ્તકારૂઢ રૂપ આગમ વાચના કરી, આ વાચનામાં ચોરાશી આગમોનું વ્યવસ્થિત સંકલન તાડપત્રના પાના ઉપર લિપિબધ્ધ કરી આગમોને પુસ્તકારૂઢ કરવાનું કાર્ય સાધુભગવંતોએ કર્યું. તેમજ અન્ય મહત્વના ગ્રંથોનું પુસ્તકાલેખન કાર્ય થયેલ, ત્યારબાદ સાધુ સત્યમિત્ર સ્વર્ગે ગયા અને વીર નિ. સં. ૧૦૦૦માં વર્ષે પૂર્વજ્ઞાનનો વિચ્છેદ થયો તેમ મનાય છે.

પ્રભુવીરના શાસનમાં ઉપરોક્ત ‘છ’ વાચનાઓના માધ્યમે ૧૦૦૦ વર્ષના ગાળામાં થયેલ શ્રુતોધ્ધારનો ઇતિહાસ મોજૂદ છે. ત્યાર પછી ૧૫૦૦ વર્ષ સુધી આગમ વાચનાનો કે શ્રુતોધ્ધારનો કોઈ ઉલ્લેખ નથી મળતો.

તેમજ વિષમકાળના પ્રભાવથી ૧૦મી સદીની સમાપ્તિ કાળથી શિથિલાચારની વૃદ્ધિ થવાથી આગમિક જ્ઞાનની પરંપરા સુવિહિત ગીતાર્થ, આચાર સંપન્ન શ્રમણોના હાથમાં રહી નહીં પરિણામે હસ્તલિખિત પ્રતોમાં રહેલ આગમો અધિકારીને પણ મળવા દુર્લભ બન્યા.

છેવટે વીસમી સદીના ઉત્તરાર્ધના પ્રારંભકાળે સુવિહિત સંવેગી સાધુઓમાં આચાર નિષ્ઠા, વિશિષ્ટ વૈરાગ્યની પ્રબલ ભૂમિકા આદિ સુદૃઢ હોવા છતાંય આ બધાને ટકાવવા માટેના જરૂરી સંજોગો ન મળતાં આગમિક જ્ઞાનની માત્રા પઠન-પાઠનની શાસ્ત્રીય પરંપરા સુરક્ષિત ન રહી શકવાના કારણે ખુબ જ અલ્પ માત્રામાં રહેવા પામી

આવા અવસરે શ્રમણસંઘની ૧૮ પ્રસિધ્ધ શાખાઓમાં વધુ પ્રભાવશાળી ‘સાગરશાખા’ના અદ્વિતીય પ્રતિભાસંપન્ન પ્રૌઢધીષણશાલી અનેકવાદો કરી તપાગચ્છની વિજય પતાકા ફેલાવનાર પૂ. મુનિરાજ શ્રી ઝવેરસાગરજી. મ.ના. એક માત્ર શિષ્ય નવ માસના ટૂંકા ગાળાનો જ ગુરૂ સહવાસ છતાં પૂર્વજન્મની આરાધનાના બળે એકલે હાથે ન્યાય-વ્યાકરણ, આગમટીકા આદિ અનેક સાધના ગ્રંથોનું અગાધ વિદ્વત્તા પૂર્ણ જ્ઞાન મેળવી પૂ. ગુરૂદેવ શ્રી ઝવેરસાગરજી મ.ની આગમોની પારદૃશ્યતાના વારસાને તે ગુરૂદેવશ્રીના અન્તિમ સમયના “ આગમો કા અભ્યાસ બરોબર કરના ” શબ્દ પાછળ રહેલ ઉંડા અંતરના આશિષના બળે આગમિક તલસ્પર્શી અગાધ માર્મિક જ્ઞાન આપ મેળે મેળવી વીર નિ. સં. ૨૪૪૦ વિ.સં. ૧૯૭૦માં કો’ક મંગલ ચોઘડીએ જિનશાસનના એક મહાન ધુરંધર સમર્થક પ્રભાવક શાસ્ત્રોના પારગામી

આચાર્યભગવંતો વર્ષો જૂની શ્રમણસંઘની ફરજ અને જવાબદારી રૂપ આગમોના અણમોલ વારસાને સુરક્ષીત રાખવાના પ્રશ્ને ફરીથી ઉપસ્થિત કરી.

રાજ્યદ્વારી ઉપદ્રવો, ધર્માધ ઝનૂન, બ્રિટીશ હકૂમત, જનતામાં ફેલાયેલ ક્રાન્તિકારી વિચારધારા, પશ્ચાત્ય કેળવણીના સંસ્કાર આદિ સંઘર્ષ કાળમાં પુસ્તકો પ્રતો મેળવવી અતિકઠીન હતી તે સમયે જુદા જુદા ખૂણે રહેલી હસ્તપ્રત-તાડપત્ર આદિ પરથી સંશ્લેષન કરી જાત મહેનતે પ્રેસકોપીથી માંડીને સુધારવા સુધીની સંપૂર્ણ દેખરેખ જવાબદારીથી આગમ ગ્રંથોની મર્યાદિત પ્રતિઓ છપાવી સામુદાયિક વાચનાઓ વિ. સં. ૧૯૭૧થી ૧૯૭૭ સુધીમાં પાટણ-કપડવંજ-અમદાવાદ-સુરત આદિ ક્ષેત્રોમાં છ-છ મહીનાની વાચનાઓ ગોઠવી સેંકડો સાધુ-સાધ્વીઓને આગમોને વાંચવાની પરિપાટી આદિનો સંપૂર્ણ ખ્યાલ કરાવ્યો સાત સામુહિક વાચનાઓમાં ૨૬ ગ્રંથો વાંચ્યા તેમાં લગભગ ૨,૩૩,૨૦૦ શ્લોકની વાચના આપી તથા આગમ દિવાકર પૂ. મુનિશ્રીપુણ્યવિજયજી મ. આદિને પણ આ ક્ષેત્રે આગળ વધવા અંગૂલ નિર્દેશ કરી આ મહાપુરુષે શ્રુત સરિતાને ધોધમાર વહેતી કરી છે.

આ મહાપુરુષ તે પ્રાતઃ સ્મરણીય ગુજરાત-માલવા-રાજસ્થાન-બંગાલ- બિહાર આદિ અનેક ક્ષેત્ર સંઘો તથા સુરત સંઘના આમૂલચૂલ ઉપકારી, આગમોધ્ધારક ધ્યાનસ્થ સ્વર્ગસ્થ પ.પૂ. આચાર્યશ્રી આનંદસાગર સૂરીશ્વરજી મહારાજ જેઓ ‘ પૂ. સાગરજી મ.’ ના લાડીલા, હૂલામણા નામથી પણ પ્રસિદ્ધ હતાં તેમના જ સંશોધિત આગમો અમને પ્રતાકારે પુર્ન મુદ્રિત કરાવવાનો લાભ પ્રાપ્ત થયો છે. તા.ક. વર્તમાન કાળે ગ્રંથો, શાસ્ત્રો, સુવિદિત ગીતાર્થ આચાર્ય ભગવંતો, ઈતિહાસકારો પાસેથી પ્રાપ્ત થતી માહિતી અનુસાર વીર નિર્વાણના ૧૦૦૦ વર્ષમાં છ-છ વાચના-સંકલન બાદ ૧૫૦૦ વર્ષ સુધીમાં આવું કોઈ કાર્ય થયેલ જણાતું નથી ત્યાર બાદ એકલા હાથે આપ બળે સૌ પ્રથમ આગમ ઉધ્ધારના ભગીરથ કાર્યને કરનાર ગુરૂદેવને કોટી-કોટી વંદના...

॥ श्रीविपाकदशाङ्गम् ॥

तेणं कालेणं तेणं समएणं चंपा णाणं णयरी होत्था वण्णओ, पुण्णभदे चेइए वण्णओ, तेणं कालेणं० समणस्स भगवओ महावीरस्स अंतेवासी अज्जसुहम्मे णामं अणगारे जाइसंपण्णे वण्णओ चोदसपुव्वी चउणाणोवगए पंचहिं अणगारसएहिं सद्धिं संपरिवुडे पुव्वाणुपुव्विं जाव जेणेव पुण्णभदे चेइए अहापडिरूवं जाव विहरइ, परिसा निग्गया, धम्मं सोच्चा निसम्म जामेव दिसं पाउब्भूया तामेव दिसं पडिगया, तेणं कालेणं० अज्जसुहम्मस्स अंतेवासी अज्जजंबूणामं अणगारे सत्तुस्सेहे जहा गोयमसामी तहा जाव झाणकोट्ठोवगए विहरति, तते णं अज्जजंबूणामं अणगारे जायसड्ढे जाव जेणेव अज्जसुहम्मे अणगारे तेणेव उवागए तिक्खुत्तो आयाहिणपयाहिणं करेति ता वंदति नमंसति ता जाव पज्जुवासति ता एवं व०-११ जति णं भंते ! समणेणं भगवया महावीरेणं जाव संपत्तेणं दसमस्स अंगस्स पण्हावागरणाणं अयमट्ठे पं० एक्कारसमस्स णं भंते ! अंगस्स विवागसुयस्स समणेणं जाव संपत्तेणं के अट्ठे पं० ?, तते णं अज्जसुहम्मे अणगारे जंबू अणगारं एवं व०-एवं खलु जंबू! समणेणं जाव संपत्तेणं एक्कारसमस्स अंगस्स विवागसुयस्स दो सुयक्खंधा पं० तं०-दुहविवागा य सुहविवागा य, जति णं भंते ! समणेणं जाव संपत्तेणं एक्कारसमस्स अंगस्स

॥ श्री विपाकदशाङ्गम् ॥

१

पू. सागरजी म. संशोधित

विवागसुयस्स दो सुयक्खंधा पं० तं०-दुहविवागा य सुहविवागा य पढमस्स णं भंते ! सुयक्खंधस्स दुहविवागाणं समणेणं जाव
 संपत्तेणं कइ अज्झयणा पं० ?, तते णं अज्जसुहम्मे अणगारे जंबू अणगारं एवं व०-एवं खलु जंबू ! समणेणं जाव संपत्तेणं
 दुहविवागाणं दस अज्झयणा पं०- 'मियाउत्ते उज्झियते अभग्ग सगडे वहस्सती नंदी। उंबर सोरियदत्ते य देवदत्ता य अंजू य १०
 ॥१॥ जति णं भंते! समणेणं जाव संपत्तेणं दुहविवागाणं दस अज्झयणा पं० तं०-मियाउत्ते जाव अंजू य पढमस्स णं भंते !
 अज्झयणस्स दुहविवागाणं समणेणं जाव संपत्तेणं के अट्ठे पं०?, तते णं से सुहम्मे अणगारे जंबू अणगारं एवं व०-एवं खलु
 जंबू ! तेणं कालेणं० मियग्गामे णामं णगरे होत्था वण्णओ, तस्स णं मियग्गामस्स णगरस्स बहिया उत्तरपुरच्छिमे दिसीभाए
 चंदणपायवे णामं उज्जाणे होत्था सव्वोउय० वण्णओ, तत्थ णं सुहम्मस्स जक्खस्सजक्खाययणे होत्था चिरातीए जहा पुण्णभदे,
 तत्थ णं मियग्गारे णगरे विजए णामं खत्तिए राया परिवसति वण्णओ, तस्स णं विजयस्स खत्तियस्स मिया णामं देवी होत्था
 अहीण० वण्णओ, तस्स णं विजयस्स खत्तियस्स पुत्ते मियादेवीए अत्तए मियापुत्ते नामं दारए होत्था जातिअंधे जातिमूए जातिबहिरे
 जातिपंगुले हुंडे य वायवे, नत्थि णं तस्स दारगस्स हत्था वा पाया वा कण्णा वा अच्छी वा नासा वा, केवलं से तेसिं अंगोवंगाणं
 आगिई आगितिमित्ते, तते णं सा मियादेवी तं मियापुत्तं दारगं रहस्सियंसि भूमिधरंसि रहस्सितेणं भत्तपाणएणं पडिजागरमाणी विहरति
 ॥२॥ तत्थ णं मियग्गामे णगरे एगे जातिअंधे पुरिसे परिवसति, से णं एगेणं सचक्खुतेणं पुरिसेणं पुरतो दंडएणं पगडिढज्जमाणे

२ फुट्टहडाहडसीसे मच्छियाचडगरपहकरेणं अण्णिज्जमाणमग्गे मियग्गामे णगरे गिहे २ कालुणवडियाए वित्तिं कप्पेमाणे विहरति, तेणं कालेणं० समणे भगवं महावीरे जाव समोसरिते जाव परिसा निग्गया, तते णं से विजये खत्तिए इमीसे कहाए लब्धे समणे जहा कूणिए तहा निग्गते जाव पज्जुवासति, तते णं से जातिअंधे पुरिसे तं महयाजणसदं च जाव सुणेत्ता तं पुरिसं एवं व०-किण्णं देवाणुप्पिया! अज्ज मियग्गामे नयरे इंदमहेति वा जाव निग्गच्छति?, तते णं से पुरिसे तं जातिअंधपुरिसं एवं व०- नो खलु देवा० इंदमहे जाव निग्गए, एवं खलु देवाणुप्पिया! समणे जाव विहरति, तते णं एए जाव निग्गच्छंति, तते णं से जातिअंधपुरिसे तं पुरिसं एवं व०-गच्छामो णं देवाणुप्पिया! अम्हेवि समणं भगवं जाव पज्जुवासामो, तते णं से जातिअंधपुरिसे पुरतो दंडएणं पगडिढज्जमाणे २ जेणेव समणे भगवं महावीरे तेणेव उवागते ता तिक्खुत्तो आयाहिणपयाहिणं करेति ता वंदति नमंसति ता जाव पज्जुवासति, तते णं समणे० विजयस्स० तीसे य० धम्ममाइक्खइ० परिसा जाव पडिगया विजएवि गए ।३। तेणं कालेणं० समणस्स जेठे अंतेवासी इंदभूती णामं अणगारे जाव विहरति, तते णं से भगवं गोतमे तं जातिअंधपुरिसं पासति ता जाय० जाव एवं व०-अत्थि णं भंते! केई पुरिसे जातिअंधे आय(जाइ)अंधारूवे ?, हंता अत्थि, कहिं णं भंते! से पुरिसे जातिअंधे जातिअंधारूवे?, एवं खलु गोतमा! इहेव मियग्गामे णगरे विजयस्स पुत्ते मियादेवीए अत्तए मियाउत्ते णामं दारए जातिअंधे जातिअंधारूवे, नत्थि णं तस्स दारगस्स जाव आगतिमित्ते, तते णं सा मियादेवी जाव पडिजागरमाणी २ विहरति, तते णं से

भगवं गोतमे समणं भगवं महावीरं वंदति नमंसति ता एवं व०-इच्छामि णं भंते! अहं तुब्भेहिं अब्भणुण्णाते मियापुत्तं दारयं पासित्तए, अहासुहं देवाणुप्पिया!, तते णं से भगवं गोतमे समणेणं भगवया० अब्भणुण्णाते समाणे हट्ठतुट्ठे समणस्स भगवओ महावीरस्स अंतितातो पडिनिक्खमइ ता अतुरियं जाव सोहेमाणे २ जेणेव मियागमे णगरे तेणेव उवागच्छति ता मियग्गामं णगरं मज्झंमज्झेणं अणुपविसइ ता जेणेव मियाए देवीए गिहे तेणेव उवागए, तते णं सा मियादेवी भगवं गोतमं एज्जमाणं पासति ता हट्ठ० जाव एवं व०-संदिसंतु णं देवाणुप्पिया! किमागमणपयोयणं?, तते णं भगवं गोतमे मियं देविं एवं व०-अहण्णं देवाणुप्पिए! तव पुत्तं पासित्तु हव्वमागते, तते णं सा मियादेवी मियापुत्तस्स दारगस्स अणुमग्गजायए चत्तारि पुत्ते सव्वालंकारविभूसिए करेति ता भगवतो गोतमस्स पाएसु पाडेति ता एवं व०-एए णं भंते! मम पुत्ते पासह, तते णं से भगवं गोतमे मियं देविं एवं व०-णो खलु देवाणुप्पिए! अहं एए तव पुत्ते पासिउं हव्वमागए, तत्थ णं जे से तव जेट्ठे पुत्ते मियापुत्ते दारए जातिअंधे जाव अंधारूवे जण्णं तुमं रहस्सियंसि भूमिघरंसि रहस्सिएणं भत्तपाणेणं पडिजागरमाणी २ विहरसि तं णं अहं पासिउं हव्वमागते, तते णं सा मियादेवी भगवं गोतमं एवं व०-से के णं गोतमा! से तहारूवे णाणी वा तवस्सी वा जेणं तव एसमट्ठे मम ताव रहस्सक्ते तुब्भे हव्वमक्खाते जतो णं तुब्भे जाणह ?, तते णं भगवं गोतमे मियं देविं एवं व०-एवं खलु देवाणुप्पिए ! मम धम्मायरिए० समणे भगवं महावीरे जाव ततो णं अहं जाणामि, जावं च णं मियादेवी भगवया गोतमेणं सद्धिं एवमट्ठं संलवति तावं च णं मियापुत्तस्स

॥ श्री विपाकदशाङ्गम् ॥

४

पू. सागरजी म. संशोधित

दारगस्स भत्तवेला जाया यावि होत्था, तते णं सा मियादेवी भगवं गोयमं एवं व०-तुब्भे णं भंते! इह चेव चिद्धह जा णं अहं तुब्भे मियापुत्तं दारयं उवदंसेमित्तिकट्टु जेणेव भत्तपाणधरए तेणेव उवागच्छति ता वत्थपरियट्ठं करेति ता कट्टसगडियं गेण्हति ता विपुलस्स असणपाणखातिमसातिमस्स भरेति ता तं कट्टसगडियं अणुकड्डेमाणी २ जेणेव भगवं गोतमे तेणेव उवागच्छति ता भगवं गोतमं एवं वयासी एह णं तुब्भे भंते! ममं (मए सद्धिं) अणुगच्छह जा णं अहं तुब्भं मियापुत्तं दारयं उवदंसेमि, तते णं से भगवं गोतमे मियं देविं पिट्ठओ समणुगच्छति, तते णं सा मियादेवी तं कट्टसगडियं अणुकड्डेमाणी २ जेणेव भूमिधरे तेणेव उवागच्छति ता चउप्पडेणं वत्थेणं मुहं बंधेइ मुहं बंधेमाणी भगवं गोतमं एवं व०-तुब्भेवि य णं भंते! मुहपोत्तियाए मुहं बंधह, तते णं भगवं गोतमे मियादेवीए एवं वुत्ते समाणे मुहपोत्तियाए मुहं बंधेति (बंधइ), तते णं सा मियादेवी परंमुही भूमीधरस्स दुवारे विहाडेति, ततो णं गंधे निग्गच्छति से जहानामए अहिमडेति वा जाव ततोवि य णं अणिट्ठतराए चेव जाव गंधे पण्णत्ते, तते णं से मियापुत्ते दारए तस्स विपुलस्स असणपाणखाइमसाइमस्स गंधेणं अभिभूते समाणे तंसि विपुलंसि असणपाणखाइमसाइमंसि मुच्छित्ते० विपुलं असणं० आसएणं आहारेति ता खिप्पामेव विद्धंसेति, ततो पच्छा पूयत्ताए य सोणियत्ताए य परिणामेति, तंपि य णं पूयं च सोणियं च आहारेति, तते णं भगवतो गोतमस्स तं मियापुत्तं दारयं पासित्ता अयमेयारूवे अज्झत्थिते० समुप्पजित्थाअहो णं इमे दारए पुरा पोराणाणं दुच्चिण्णाणं दुप्पडिक्कंताणं असुभाणं पावाणं कडाणं कम्माणं पावगं फलवित्तिविसेसं पच्चणुभवमाणे

विहरति, ण मे दिट्ठा णरगा वा णेरइया वा पच्चक्खं खलु अयं पुरिसे नरयपडिरूवियं वेयणं वेएतित्तिकदट्टु मियं देविं आपुच्छति
 ता मियाए देवीए गिहाओ पडिनिक्खमति ता मियग्गामं णगरं मज्झंमज्झेणं निग्गच्छति ता जेणेव समणे भगवं महावीरे तेणेव
 उवागच्छति ता समणं भगवं महावीरं तिक्खुत्तो आयाहिणपयाहिणं करेति ता वंदति नमंसति ता एवं व०-एवं खलु अहं तुब्भेहि
 अब्भणुण्णाए समाणे मियग्गामं नगरं मज्झंमज्झेणं अणुपविसामि ता जेणेव मियाए देवीए गिहे तेणेव उवागते, तते णं सा मिया
 देवी ममं एज्जमाणं पासति ता हट्ठ० तं चेव सव्वं जाव पूयं च सोणियं च आहारेति, तते णं मम इमे अज्झत्थिते० समुप्पजित्था-
 अहो णं इमे दारए पुरा जाव विहरति । ४ । से णं भंते! पुरिसे पुव्वभवे के आसी किंनामए वा किंगोत्तए वा कयरंसि गामंसि
 वा नगरंसिवा किंवा दच्चा किं वा भोच्चा किं वा समायरित्ता केसि वा पुरा पोराणाणं जाव विहरति?, गोयमाई! समणे भगवं
 महावीरे भगवं गोतमं एवं व०-एवं खलु गोतमा! तेणं कालेणं० इहेव जंबुद्वीवे दीवे भारहे वासे सयदुवारे णामं णगरे होत्था
 रिद्धत्थिमित० वण्णओ, तत्थ णं सयदुवारे णगरे धणवती नामं राया होत्था, तस्स णं सयदुवारस्स णगरस्स अदूरसामंते दाहिणपुरच्छिमे
 दिसीभाए विजयवद्धमाणे णामं खेडे होत्था रिद्ध०, तस्स णं विजयवद्धमाणस्स खेडस्स पंच गामसयाइं आभोए यावि होत्था,
 तत्थ णं विजयवद्धमाणे खेडे एक्काई नाम रट्टुकूडे होत्था अहम्मिए जाव दुप्पडियाणंदे, से णं एक्काई रट्टुकूडे विजयवद्धमाणस्स
 खेडस्स पंचणहं गामसयाणं आहेवच्चं जाव पालेमाणे विहरति, तते णं से एक्काई विजयवद्धमाणस्स खेडस्स पंच गामसयाइं बहूहिं

करेहि य भरेहि य विद्धीहि य उक्कोडाहि य पराभवेहि य दिजेहि य भेजेहि य कुंतेहि य लंछपोसेहि य आलीवणेहि य पंथकोट्टेहि य ओवीलेमाणे २ विहम्मेमाणे २ तज्जेमाणे २ तालेमाणे २ निद्धणे करेमाणे २ विहरति, तते णं से एक्काई रट्टकूडे विजयवड्ढमाणस्स खेडस्स बहूणं राईसर० जाव सत्थवाहाणं अण्णेसिं च बहूणं गामेल्लगपुरिसाणं बहूसु कज्जेसु कारणेसु य संतेसु य गुज्जेसु य निच्छएसु य ववहारेसु य सुणमाणे भणति न सुणेमि असुणमाणे भणति सुणेमि एवं पस्समाणे भासमाणे गेण्हमाणे जाणमाणे, तते णं से एक्काई रट्टकूडे एयकम्मे एयप्पहाणे एयविज्जे एयसमायारे सुबहं पावं कम्मं कलिकलुस समज्जिणमाणे विहरति, तते णं तस्स एगाइयस्स रट्टकूडस्स अण्णया कयाई सरीरगंसि जमगसमगमेव सोलस रोगायंका पाउब्भूया, तं० सासे कासे जरे दाहे कुच्छिसूले भगंदरे । अरिसे अजीरते दिट्ठी मुद्धसूले १० अकारए ॥ २ ॥ अच्छिवेयणा कण्णवेयणा कंडू दओदरे कोढे १६, तते णं से एक्काई रट्टकूडे सोलसहिं रोगातंकेहिं अभिभूते समाणे कोडुंबियपुरिसे सददावेति त्ता एवं व० गच्छह णं तुब्भे देवाणुप्पिया! विजयवड्ढमाणे खेडे संघाडगतियचउक्कचच्चरमहापहपहेसु महया २ सहेणं उग्घोसेमाणा २ एवं वयहएवं खलु देवाणुप्पिया! एक्काई० सरीरगंसि सोलस रोगायंका पाउब्भूता सासे कासे जरे जाव कोढे तं जो णं इच्छति देवाणुप्पिया! वेज्जो वा वेज्जपुत्तो वा जाणुओ वा जाणुयपुत्तो वा जाणुओ वा जाणुयपुत्तो वा तेगिच्छिओ वा तेइच्छियपुत्तो वा एगातिस्स तेसिं सोलसण्हं रोगायंकाणं एगमवि रोगायंकं उवसाभित्तते तस्स णं एक्काई रट्टकूडे विपुलं अत्थसंपयाणं दलयति, दोच्चंपि तच्चंपि उग्घोसेह त्ता एयमाणत्तियं

पच्यप्पिण्ह, तते णं ते कोडुंबियपुरिसा जाव पच्यप्पिणंति, तते णं से विजयवद्धमाणे खेडे इमं एयारूवं उग्घोसणं सोच्चा णिसम्म
 बहवे वेज्जा य० सत्थकोसहत्थगया सएहिं सएहिं गेहेहिंतो पडिनिक्खमंति ता विजयवद्धमाणस्स खेडस्स मज्झमज्झेण जेणेव
 एगाइरट्टकूडस्स गेहे तेणेव उवागच्छंति ता एगाइसरीरयं परामुसंति ता तेसिं रोगाणं निदाणं पुच्छंति ता एक्कातीरट्टकूडस्स बहूहिं
 अब्भंगेहि य उवट्टणाहि य सिणेहपाणेहि य वमणेहि य विरेयणाहि य (प्र० सेयणाहि य) अवदाहणाहि य अवण्हाणेहि य
 अणुवासणाहि य वत्थिकम्मेहि य निरुहेहि य सिरोवेधेहि य तच्छणेहि य पच्छणेहि य सिरोवत्थीहि य तप्पणेहि य पुडपागेहि
 य छल्लीहि य मूलेहि य कंदेहि य पत्तेहि य पुप्फेहि य फलेहि य बीएहि य सिलियाहि य गुलियाहि य ओसहेहि य भेसज्जेहि
 य इच्छंति तेसिं सोलसण्हं, रोयातंकाणं एगमवि रोयायंकं उवसामित्तए णो चेव णं संचाएंति उवसामित्तअ, तते णं ते बहवे वेज्जा
 य वेज्जपुत्ता य० जाहे नो संचाएंति तेसिं सोलसण्हं रोयातंकाणं एगमवि रोयायंकं उवसामित्तए ताहे संता तंता परितंता जामेव
 दिसं पाउब्भूता तामेव दिसं पडिगता, तते णं एक्काई विज्जेहि य० पडियाइक्खिए परियारगपरिचत्ते निव्विण्णोसहभेसज्जे
 सोलसरोगातंकेहिं अभिभूते समाणे रज्जे य रट्टे य जाव अंतेउरे य मुच्छिते रज्जं च रट्टं च आसाएमाणे पत्थेमाणे पीहेमाणे अहिलसमाणे
 अट्टदुहट्टवसट्टे अडढाइज्जाइं वाससयाइं परमाउं पालयित्ता कालसामे कालं किच्चा इमीसे रयणप्पभाए पुढवीए उक्कोससागरोवमट्ठितीएसु
 नेरइएसु णेरइयत्ताए उववण्णे, से णं ततो अंगतरं उव्वट्ठित्ता इहेव मियग्गामे नगरे विजयस्स खत्तियस्स मियाए देवीए कुच्छिसि

॥ श्री विपाकदशाङ्गम् ॥

८

पू. सागरजी म. संशोधित

पुत्तत्ताए उववण्णे, तते णं तीसे मियाए देवीए सरीरे वेयणा पाउब्भूया उज्जला जाव जलंता, जप्पभित्तिं च णं मियापुत्ते दारए मियाए देवीए कुच्छिसि गब्भत्ताए उववण्णे तप्पभित्तिं च णं मियादेवी विजयस्स खत्तियस्स अणिट्ठा अकंता अप्पिया अमणुण्णा अमणामा जाया यावि होत्था, तते णं तीसे मियाए देवीए अण्णया कयाई पुव्वरत्तावरत्तकालसमयंसि कुडुंबजागरियं जागरमाणीए इमे एयारूवे अज्झत्थिते जाव समुप्पण्णे एवं खलु अहं विजयस्स खत्तियस्स पुव्विं इट्ठा घे(थे)जा वेसासिया अणुमया आसी जप्पभित्तिं च णं मम इमे गब्भे कुच्छिसि गब्भत्ताए उववने तप्पभित्तिं च णं विजयस्स अहं अणिट्ठा जाव अमणामा जाया यावि होत्था, नेच्छति णं विजए खत्तिए मम नामं वा गोत्तं वा गिण्हत्तते, किमंग पुण दंसणं वा परिभोगं वा? तं सेयं खलु ममं एयं गब्भं बहूहिं गब्भसाडणाहि य पाडणाहि य गालणाहि य मारणाहि य साडित्तए वा०, एवं संपेहेति ता बहूणि खाराणि य तूवराणि य गब्भसाडणाणि य खायमाणी य पीयमाणी य इच्छति तं गब्भं साडित्तए वा०, नो चेव णं से गब्भे सडइ वा०, तते णं सा मियादेवी जाहे नो संचाएति तं गब्भं साडित्तए वा० ताहे संता तंता परितंता अकामिया असयंवसा तं गब्भं दुहंदुहेणं परिवहति, तस्स णं दारगस्स गब्भगयस्स चेव अट्ठ णालीओ अब्भंतरप्पवहाओ, अट्ठ नालीओ बाहिरप्पवहाओ अट्ठ पूयप्पवहाओ अट्ठ सोणियप्पवहाओ दुवे २ कण्णंतरेसु दुवे २ अच्छित्तरेसु दुवे २ नक्कंतरेसु दुवे २ धमणिअंतरेसु अभिक्खणं २ पूयं च सोणियं च परिस्सवमाणीओ २ चेव चिट्ठंति, तस्स णं दारगस्स गब्भगयस्स चेव अग्गिए नामं वाही पाउब्भूते जे णं से दारए आहारेति

से णं खिप्पामेव विद्धंसमागच्छति पूयत्ताए सोणियत्ताए य परिणमति, तं पि य से पूयं च सोणियं च आहारेति, तते णं सा मियादेवी अण्णया कयाती णवण्हं मासाणं बहुपडिपुण्णाणं दारगं पयाया जातिअंधे जाव आगितिमित्ते, तते णं सा मियादेवी तं दारयं हुंडुं अंधारूवं० पासति ता भीया० अम्मधातिं सदावेति ता एवं व०-गच्छह णं देवा० तुमं एयं दारगं एगंते उक्कुरुडियाए उज्झाहि, तते णं सा अम्मधाती मियाए देवीए तहत्ति एतमट्ठं पडिसुणेति ता जेणेव विजए खत्तिए तेणेव उवागच्छइ ता करयलपरिगहीयं जाव एवं व०-एवं खलु सामी! मियादेवी नवण्हं जाव आगितिमित्तं तते णं सा मियादेवी तं हुंडं अंधारूवं पासति ता भीया० ममं सदावेति ता एव व०-गच्छ णं तुमं देवा०! एयं दारगं एगंते उक्कुरुडियाए उज्झाहि, तं संदिसह णं सामी! तं दारगं अहं एगंते उज्झामि उदाहु मा?, तते णं से विजए तीसे अम्म० अंतिते सोच्या तहेव संभंते उट्ठाते उट्ठेति ता जेणेव मियादेवी तेणेव उवागच्छति ता मियं देविं एवं व०-देवाणु०! तुज्झं पढमगब्भे तं जइ णं तुमं एयं एगंते उक्कुरुडियाए उज्झासि तो णं तुज्झ पया नो थिरा भविस्सति ते णं तुमं एयं दारगं रहस्सियंसि भूमिघरंसि रहस्सितेणं भत्तपाणेणं पडिजागरमाणी २ विहराहि, तो णं तुज्झं पया थिरा भविस्सति, तते णं सा मियादेवी विजयस्स खत्तियस्स तहत्ति एयमट्ठं विणएणं पडिसुणेति ता तं दारगं रह० भूमिघर० भत्त० पडिजागरमाणी विहरति, एवं खलु गोतमा! मियापुत्ते दारए पुरा पोराणाणं जाव पच्चणुभवमाणे विहरति । ५ । मियापुत्ते णं भंते! दारए इओ कालमासे कालं किच्चा कहिं गमिहिति कहिं उववज्जिहिति?, गोतमा! मियापुत्ते दारए छव्वीसं वासातिं परमाउयं पालइत्ता

कालमासे कालं किच्चा इहेव जंबुद्वीवे दीवे भारहे वासे वेयडढगिरिपायमूले सीहकुलंसि सीहत्ताए पच्चायाहिति, से णं तत्थ सीहे भविस्सति अहम्मिए जाव साहसिते सुबहुं पावकम्मं जाव समज्जिणति ता कालमासे कालं किच्चा इमीसे रयणप्पभाए पुढवीए उक्कोससागरोवमट्ठिईएसु जाव उववज्जिहिति से णं ततो अणंतरं उव्वट्ठित्ता सरीसवेसु उववाज्जिहिति तत्थ णं कालं किच्चा दोच्चाए पुढवीए उक्कोसेणं तिन्निसागरोवमट्ठिई० से णं ततो अणंतरं उव्वट्ठित्ता पक्खीसु उववज्जिहिति तत्थवि कालं किच्चा तच्चाए पुढवीए सत्तसागरो० ततो सीहेसु तयाणंतरं चउत्थीए उरगो पंचमीए० इत्थी० छट्ठीए० मणुओ० अहे सत्तमाए ततो अणंतरं उव्वट्ठित्ता से जाइं इमाइं जलयरपंचिंदियतिरिक्खजोणियाणं मच्छकच्छभगाहमगरसुंसुमारादीणं अब्दतेरसजातिकुलकोडी जोणिपमुहसतसहस्साइं तत्थ णं एगमेगंसि जोणीविहाणंसि अणेगसयसहस्सक्खुत्तो उद्दाइत्ता २ तत्थेव भुज्जो २ पच्चायाइस्सति से णं ततो उव्वट्ठित्ता एवं चउप्पएसु उरपरिसप्पेसु भुयपरिसप्पेसु खहयरेसु चउरिंदिएसु तेइंदिएसु बेइंदिएसु वणप्फतिकडुयरुक्खेसु कडुयदुद्धिएसु वाउ० तेउ० आउ० पुढवी० अणेगसतसहस्सक्खुत्तो० से णं ततो अणंतरं उव्वट्ठित्ता सुपत्तिट्ठपुरे नगरे गोणत्ताए पच्चायाहिति से णं तत्थ उम्मुक्कबालभावे अण्णया कयाती पढमपाउसंसि गंगाए महाणदीए खलीणमट्ठियं खणमाणे तडीए पेळ्ळिते समाणे कालगते तत्थेव सुपट्ठपुरे नगरे सिट्ठिकुलंसि पुमत्ताए पच्चायाइस्संति से णं तत्थ उम्मुक्क० जाव जोव्वणमणुप्पत्ते तहारूवाणं थेराणं अंतिए धम्मं सोच्चा निसम्म मुंडे भवित्ता अगाराओ अणगारियं पव्वइस्सति, से णं तत्थ अणगारे भविस्सति ईरियासमिते जाव बंभयारी, से

णं तत्थ बहूइं वासाइं सामण्णपरियागं पाउणित्ता आलोइयपडिक्कंते समाहिपत्ते कालमासे कालं किच्चा सोहम्मे कप्पे देवत्ताए उववज्जिहिति से णं ततो अणंतरं चयं चइत्ता महाविदेहे वासे जाइं इमाइं कुलाइं भवंति अइढाइं० जहा दढपतिण्णे सा चेव वत्तव्वया कलाओ जाव सिज्झिहिति, सेवं भंते! २ त्ति भगवं गोयमे०, एवं खलु जम्बू! समणेणं भगवता महावीरेणं जाव संपत्तेणं दुहविवागाणं पढमस्स अज्झयणस्स अयमट्ठे पण्णत्तेत्तिबेमि ॥६॥ इति मृगापुत्रीयाध्यनं १॥

जति णं भंते! समणेणं जाव संपत्तेणं दुहविवागाणं पढमस्स अज्झयणस्स अयमट्ठे पं० दोच्चस्स णं भंते! अज्झयणस्स दुहविवागाणं समणेणं जाव० संपत्तेणं के अट्ठे पं०?, तते णं से सुहम्मे अणगारे जंबू अणगारं एवं व०-एवं खलु जम्बू! तेणं कालेणं० वाणियगामे णामं नगरे होत्था रिद्ध०, तस्स णं वाणियगामस्स उत्तरपुरिच्छमे दिसीभाए दूतिपलासे नामं उज्जाणे होत्था, तत्थ णं दूइपलासे० सुहम्मस्स जक्खस्स जक्खायतणे होत्था, तत्थ णं वाणियगामे मित्ते नामं राया होत्था वण्णओ, तत्थ णं मित्तस्स रण्णो सिरी नामं देवी होत्था वण्णओ, तत्थणं वाणियगामे कामज्झया णामं गणिया होत्था अहीण० जाव सुरूवा बावत्तरीकलापंडिया चउसट्ठिगणियागुणोववेया एकूणतीसविसेसे रमम्माणी एकवीसरतिगुणप्पहाणा बत्तीसपुरिसोवयारकुसला णवंगसुत्तपडिबोहिया अट्ठारसदेसीभासाविसारया सिंगारागारचारुवेसा गीयरतिगंधव्वनट्टकुसला संगतगत० सुंदरत्थण० ऊसियधया सहस्सलंभा विदिण्णछत्तचामरबालवीयणिया कण्णीरहप्पयाया यावि होत्था बहूणं गणियासहस्साणं आहेवच्चं जाव विहरति ॥७॥

तत्थ णं वाणियग्गामे विजयमित्ते नामं सत्थवाहे परिवसति अड्ढे०, तस्स णं विजयमित्तस्स सुभद्दा नामं भारिया होत्था अहीण०, तस्स णं विजयमित्तस्स पुत्ते सुभद्दाए भारियाए अत्तए उज्झियए नामं दारए होत्था अहीण जाव सुरूवे, तेणं कालेणं० समणे भगवं महावीरे समोसढे परिसा निग्गता राया निग्गओ जहा कूणिओ निग्गओ धम्मो कहिओ परिसा० पडिगओ राया य, तेणं कालेणं० समणस्स भगवओ महावीरस्स जेढे अंतेवासी इंदभूती जाव लेसे छट्ठंछट्ठेणं जहा पण्णत्तीए पढमाए जाव जेणेव वाणियग्गामे तेणेव उवा० वाणियग्गामे उच्चणीय० अड्ढमाणे जेणेव रायमग्गे तेणेव ओगाढे, तत्थ णं बहवे हत्थी पासति सण्णद्धबद्धवम्मियगुडिये उप्पीलियकच्छे उद्दामियधंटे णाणामणिरयणविविहगेविजउत्तरकंचुइज्जे पडिकप्पिते झयपडागवरपंचामेलआरूढहत्थारोहे गहियाउहपहरणे अण्णे य तत्थ बहवे आसे पासति सण्णद्धबद्धवम्मियगुडिते आविद्धगुडे ओसारियपक्खरे उत्तरकंचुइयओचूलमुह (प्र० चुडामुहा) चंडाधरचामरथासकपरिमंडियकडीए आरूढअस्सारोहे गहियाउहपहरणे अण्णे य तत्थ बहवे पुरिसे पासति सण्णद्धबद्धवम्मियकवए उप्पीलियसरासणपट्टीए पिणद्धगेवेज्जे विमलवरबद्धचिंधपट्टे गहियाउहपहरणे तेसिं च णं पुरिसाणं मज्झगयं पुरिसं पासति अवओडगबंधणं उक्कित्तकण्णनासं नेहतुप्पियगतं बज्झकरकडिजुयनियत्थं कंठेगुणरत्तमल्लदामं चुण्णगुंडियगातं वुण्णयं (प्र० घुण्णंतं) वज्झपाणपीयं तिलंतिलं चेव छिज्जमाणं काकणिमंसाइं खावियंतं पावं खक्कर (रक) सएहिं हम्ममाणं अणेगनरनारीसंपरिवुडं चच्चरे चच्चरे खंडपडहएणं उग्घोसिज्जमाणं इमं च णं एयारूवं उग्घोसणं सुणेति नो खलु देवाणुप्पिया! उज्झियगस्स दारगस्स

॥ श्री विपाकदशाङ्गम् ॥

१३

पू. सागरजी म. संशोधित

केई राया वा रायपुत्ते वा अवरज्झति अण्णो से सयाइं कम्माइं अवरज्झंति ॥ तते णं से भगवओ गोतमस्स तं पुरिसं पासित्ता
 इमे अज्झत्थिते०-अहो णं इमे पुरिसे जाव नरयपडिरुवियं वेयणं वेदेतित्तिकट्टु वाणियग्गामे णगरे उच्चनीयकुले जाव अडमाणे
 अहापज्जत्तं सामुयाणियं गेण्हति ता वाणियग्गामं नगरं मज्झंमज्झेणं जाव पडिदंसेति, समणं भगवं महावीरं वंदति णमंसति ता
 एवं व०-एवं खलु अहं भंते! तुब्भेहिं अब्भणुण्णाते समाणे वाणियग्गामे तहेव जाव वेएति से णं भंते! पुरिसे पुव्वभवे के आसी०
 जाव पच्चणुभवमाणे विहरति?, एवं खलु गोतमा! तेणं कालेणं० इहेव जंबुद्दीवे दीवे भारहे वासे हत्थिणाउरे नामं नयरे होत्था
 रिद्ध०, तत्थ णं हत्थिणाउरे णगरे सुणंदे नामं राया होत्था महयाहि०, तत्थ णं हत्थिणाउवे नगरे बहुमज्झदेसभाए एत्थ णं महं
 एगे गोमंडवे होत्था अणेगखंभसयसंनिविट्ठे पासाईए० तत्थ णं बहवे णगरगोरूवाणं सणाहा य अणाहा य णगरगावीओ य
 णगरबलीवद्दा य णगरपडिडयाओ य णगरवसभा य पउरतणपाणिया निब्भया निरुवसग्गा (व्विग्गा) सुहंसुहेणं परिवसंति, तत्थ
 णं हत्थिणाउवे नगरे भीमे नामं कूडग्गाहे होत्था अधम्मिए जाव दुप्पडियाणंदे, तस्स णं भीमस्स कूडग्गाहस्स उप्पला नामं भारिया
 होत्था अहीण०, तते णं उप्पला कूडग्गाहिणी अण्णया कयाई आवण्णसत्ता जाया यावि होत्था, तते णं तीसे उप्पलाए कूडग्गाहिणीए
 तिण्हं मासाणं बहुपडिपुण्णाणं अयमेयारूवे दोहले पाउब्भूतेधण्णाओ ताओ अम्मयाओ जाव सुलब्धे जम्मजीवि (यफले) जाओ
 णं बहूणं नगरगोरूवाणं सणाहाण य जाव वसभाण य ऊहेहि य थणेहि य वसणेहि य छप्पाहि य ककुहेहि य वहेहि य कन्नेहि

य अच्छीहि य नासाहि य जिब्भाहि य ओट्टेहि य कंबलेहि य सोल्लेहि य तलितेहि य भज्जितेहि य परिसुक्केहि य लावणिएहि
यसुरं च मधुं च मेरुं च जातिं च सीधुं च पसणं च आसाएमाणीओ विसाएमाणीओ परिभाएमाणीओ परिभुंजेमाणीओ दोहलं
विणेति, तं जइ णं अहमवि बहूणं नगर जाव विणेज्जामित्तिकदट्टु तंसि दोहलंसि अविणिज्जमाणंसि सुक्खा भुक्खा निम्भंसा उलुग्गा
उलुग्गसरीरा नित्तेया दीणविमणवयणा पंडुल्लियमुही ओमंथियनयणवयणकमला जहोइयं पुप्फवत्थगंधमल्लालंकारहारं अपरिभुंजमाणी
करयलमलियव्व कमलमाला ओहय जाव झियाति इमं च णं भीमे कूडग्गाहे जेणेव उप्पला कूडग्गाहिणी तेणेव उवा० ता ओहय०
जाव पासति ता एवं व०-किण्णं तुमं देवाणुप्पिया ओहय जाव झियासि?, तते णं सा उप्पला भारिया भीमं कूड० एवं व०-
एवं खलु देवाणुप्पिया! ममं तिण्हं मासाणं बहुपडिपुण्णाणं दोहले पाउब्भूते धण्णा णं० जाओ णं बहूणं गो० ऊहेहि य० लावणिएहि
य० सुरं च० आसा० दोहलं विणिंति तते णं अहं देवाणु० तंसि दोहलंसि अविणिज्जमाणंसि जाव झियामि, तते णं से भीमे
कूड० उप्पलं भारियं एवं व०-मा णं तुमं देवाणु० ओहय जाव झियाहि अहं णं तहा करिहामि जहा णं तव दोहलस्स संपत्ती
भविस्सइ ताहिं इट्ठाहिं जाव समासासेति, तते णं से भीमे कूड० अइढरत्तकालसमयंसि एगे अबीए सण्णद्ध जाव पहेरेण सयाओ
गिहाओ निगच्छति ता हत्थिणाउरं मज्झमज्झेणं० जेणेव गोमंडवे तेणेव उवागते ता बहूणं णगरगोरूवाणं जाव वसभाण य
अप्पेगइयाणं ऊहे छिंदति जाव अप्पेगइयाणं कंबलए छिंदति अप्पेगइयाणं अण्णमण्णाइं अंगोवंगाइं वियंगेति ता जेणेव सए गिहे

तेणेव उवागच्छति ता उप्पलाए कूडग्गाहिणीए उवणेति, तते णं सा उप्पला भारिया तेहिं बहूहिं गोमंसेहिं सोल्लेहिं जाव सुरं च०
 आसा० तं दोहलं विणेति, तते णं सा उप्पला कूडग्गाही संपुण्णदोहला संमाणियदोहला विणी(माणि) यदोहला वोच्छिण्णदोहला
 संप(पु)त्रदोहला तं गब्भं सुहंसुहेणं परिवहति, तते णं सा उप्पला कूड० अण्णया कयाती णवण्हं मासाणं बहुपडिपुण्णाणं दारगं
 पयाता।१। तते णं तेणं दारएणं जायमेत्तेणं चेव महया २ सहेणं विघुट्ठे चिच्चीसरे आरसिते, तते णं तस्स दारगस्स आरसियसहं
 सोच्चा निसम्भ हत्थिणाउरे णगरे बहवे नगरगोरूवा जाव वसभा य भीया उव्विग्गा सव्वओ समंता विप्पलाइत्था, तते णं तस्स
 दारगस्स अम्मापियरो अयमेयारूवं नामधेज्जं करेति जम्हा णं अम्हे इमेणं दारएणं जायमेत्तेणं चेव महया २ सहेणं विघुट्ठे चिच्चीसरे
 आरसिते तते णं एयस्स दारगस्स आरसितसहं सोच्चा निसम्भ हत्थिणाउरे बहवे णगरगोरूवा य जाव भीया० सव्वतो समंता
 विप्पलाइत्था तम्हा णं होउ अम्हं दारए गोत्तासए नामेणं, तते णं से गोत्तासे दारए उम्मुक्कबालभावे जाव जाते यावि होत्था, तते
 णं से भीमे कूडग्गाहे अण्णया कयाती कालधम्भुणा संजुत्ते तते णं से गोत्तासे दारए बहुणा मित्तणाइणियगसयणसंबंधिपरिजणेणं
 सद्धिं संपरिवुडे रोअमाणे कंदमाणे विलवमाणे भीमस्स कूडग्गाहस्स नीहरणं करेति ता बहूइं लोइयाइं मयकिच्चाइं करेति, तते
 णं से सुनंदे राया गोत्तासं दारयं अण्णया कयाती सयमेव कूडग्गाहिताए ठवेति, तते णं से गोत्तासे दारए कूडग्गाहे जाए यावि
 होत्था अहम्मिए जाव दुप्पडियाणंदे, तते णं से गोत्तासे दारए कूडग्गाहे कल्लाकल्लिं अड्ढरत्तकालसमयंसि एगे अबीए

सण्णद्धबद्धकवए जाव गहियाउहपहरणे सयातो गिहातो निज्जाति जेणेव गोमंडवे तेणेव उवा० बहूणं णगरगोरूवाणं सणा जाव
 वियंगेति ता जेणेव सए गिहे तेणेव उवा०, तते णं से गोत्तासे कूड० तेहिं बहूहिं गोमंसेहि य सोल्लेहि य मज्झं च जाव सुरं च०
 आसा० विहरति, तते णं ते गोत्तासे कूड० एयकम्मे० सुबहुं पावं कम्मं समज्जिणित्ता पंचवाससयाइं परमाउं पालयित्ता अट्टदुहट्ठोवगते
 कालमासे कालं किच्चा दोच्चाए पुढवीए उक्कोसं तिसागरो० उववण्णे ११०१ तते णं सा विजयमेत्तस्स सत्थवाहस्स सुभद्दा णामं
 भारिया जातनिंदुया यावि होत्था जाया जाया दारगा विनिहायमावज्जंति, तते णं से गोत्तासे कूड० दोच्चाओ पुढवीओ अणंतरं उव्वट्ठित्ता
 इहेव वाणियग्गामे णगरे विजयमित्तस्स सत्थवाहस्स सुभद्दाए भारियाए कुच्छिसि पुत्तत्ताए उववण्णे, तते णं सा सुभद्दा सत्तवाही
 अण्णया कयाई नवण्हं मासाणं बहुपडिपुण्णाणं दारगं पयाया तते णं सा सुभद्दा सत्थवाही तं दारगं जातमेत्तयं चेव एगंते उक्कुरुडियाए
 उज्झावेति ता दोच्चंपि गेण्हावेति ता आणुपुव्वेणं सारक्खमाणी संगोवेमाणी संबड्ढेति, तते णं तस्स दारगस्स अम्मापियरो ठितिपडियं
 च चंदसूरदंसणं च जागरियं च महया इडिढसक्कारसमुदएणं करेति, तते णं तस्स दारगस्स अम्मापितरो एक्कारसमे दिवसे निव्वत्ते
 संपत्ते बारसाहे अयमेयारूवं गोण्णं गुणनिष्फण्णं नामधेज्जं करेति जम्हा णं अम्हं इमे दारए जायमेत्तए चेव एगंते उक्कुरुडियाए
 उज्झिते तम्हा णं होउ अम्हं दारए उज्झियए नामेणं, तते णं से उज्झियए दारए पंचधातीपरिग्गहीते तं०-खीरधातीए मज्जण० मंडण०
 कीलावण० अंकधातीए जहा दढपतिण्णे जाव निव्वाधाये गिरिकंदमल्ली णेव्व चंपय पायवे सुहंसुहेणं विहरति, तते णं से विजयमित्ते

सत्थवाहे अत्रया कयाई गणिमं च धरिमं च मेज्जं च परिच्छेज्जं च चउव्विहं भंडगं गहाय लवणसमुदं पोयवहणेणं उवागते, तते णं से विजयमित्ते तत्थ लवणसमुदे पोतविवत्तीए णिब्बुड्डभंडसारे अत्ताणे असरणे कालधम्मणा संजुत्ते, तते णं तं विजयमित्तं सत्थवाहं जे जहा बहवे ईसरतलवरमाडंबितकोडुंबियइब्भसेट्टिसत्थवाहा लवणसमुदे पोयविवत्तीए विवत्तियं निब्बुड्डभंडसारं कालधम्मणा संजुत्तं सुणेति ते तहा हत्थिनिक्खेवं च बाहिरभंडसारं च गहाय एगंते अवक्कमंति, तते णं सा सुभद्दा सत्थवाही विजयमित्तं सत्थवाहं लवणसमुदे पोतविवत्तीए विवत्तियं णिब्बुड्डभंडसारं कालधम्मणा संजुत्तं सुणेति ता महया पतिसोएणं अप्फुण्णा समाणी परसुनियत्ताविव चंपगलता धसत्ति धरणीतलंसि सव्वंगेहिं संनिवडिया, तते णं सा सुभद्दा सत्थवाही मुहुत्तंतरेण आसत्था समाणी बहूहिं भित्त जाव परिवुडा रोयमाणी कंदमाणी विलवमाणी विजयमित्तस्स सत्थवाहस्स लोइयाइं मयकिच्चाइं करेति, तते णं सा सुभद्दा सत्थवाही अण्णया कयाती लवणसमुदोत्तरणं च लच्छिविणासं च सत्थविणासं च पोतविणासं च पत्तिमरणं च अणुचिंतेमाणी २ कालधम्मणा संजुत्ता १११ तते णं ते णगरगुत्तिया सुभदं सत्थ० कालगयं जाणित्ता उज्झियगं दारगं सातो गिहातो णिच्छुभंति ता तं गिहं अण्णस्स दलयंति, तते णं से उज्झियते दारए सयातो गिहातो निच्छूढे समाणे वाणियगामे नगरे सिंघाडगजावपहेसु जूयखलएसु वेसियाघरएसु पाणागारेसु य सुहंसुहेणं परिवड्डइ, तते णं से उज्झितए दारए अणोहट्टिए अणिवारिए सच्छंदमती सडरप्पयारे मज्जप्पसंगी चोरजूयवेसदारप्पसंगी जाते यावि होत्था, तते णं से उज्झियते अण्णया कयाई

कामज्झयाए गणियाए सद्धिं संपलग्गे जाते यावि होत्था कामज्झयाए गणियाए सद्धिं विउलाइं उरालाइं माणुस्सगाइं भोगभोगाइं भुंजमाणे विहरति, तते णं तस्स भित्तस्स रण्णो अण्णया कयाई सिरीए देवीए जोणिसूले पाउब्भूते यावि होत्था, नो संचाएति विजयमित्ते राया सिरीए देवीए सद्धिं उरालाइं माणुसगाइं भोगभोगाइं भुंजमाणे विहरित्ते तते णं से विजयमित्ते राया अण्णया कयाती उज्झिययं दारयं कामज्झयाए गणिगाए गेहाओ णिच्छुभावेइ त्ता कामज्झयं गणियं अब्भितरियं ठावेति त्ता कामज्झयाए गणिगाए सद्धिं उरालाइं जाव विहरति, तते णं से उज्झियए दारए कामज्झयाए गणियाए गिहातो निच्छुभिए समाणे कामज्झयाए गणियाए मुच्छिते गिद्धे गढिते अज्झोववण्णे अण्णत्थ कत्थई सुइं च रतिं च धितिं च अविंदमाणे तच्चित्ते तम्मणे तल्लेसे तदज्झवसाणे तदट्ठोवउत्ते तयप्पियकरणे तब्भावणाभाविते कामज्झयाए गणियाए बहूणि अंतराणि य छिद्वाणि य विवराणि य पडिजागरमाणे २ विहरति, तए णं से उज्झियए दारए अण्णया कयाई कामज्झयाए गणिगाए अंतरं लभेति कामज्झयाए गणियाए गिहं रहस्सियगं अणुप्पविसइ त्ता कामज्झयाए गणियाए सद्धिं उरालाइं माणुस्सगाइं भोगभोगाइं भुंजमाणे विहरति, इमं च णं मित्ते राया णहाते जाव पायच्छित्ते सच्चालंकारविभूसिते मणुस्सवगुरापारिक्खित्ते जेणेव कामज्झयाए गणियाए गिहे तेणेव उवागच्छति त्ता तत्थ णं उज्झिययं दारयं कामज्झयाए गणियाए सद्धिं उरालाइं भोगभोगाइं जाव विहरमाणं पासति त्ता आसुरुत्ते० तिवलियभिउडिं निडाले साहट्टु उज्झिययं दारयं पुरिसेहिं गेणहावेति त्ता अट्ठिमुट्ठिजाणुकोप्परपहारसंभग्गमहितगतं करेति त्ता अवओडगबंधणं करेति त्ता

एएणं विहाणेणं वज्झं आणावेति, एवं खलु गोतमा! उज्झियए दारए पुरा पोराणाणं कम्माणं जाव पच्चणुभवमाणे विहरति ।१२।
 उज्झियए णं भंते! दारए इओ कालमासे कालं किच्चा कहिं गच्छिहिति कहिं उववज्जिहिति?, गोतमा! उज्झियए दारए पणवीसं
 वासाइं परमाउं पालइत्ता अजेव तिभागावसेसे दिवसे सूलभिण्णे कए समाणे कालमासे कालं किच्चा इमीसे रयणप्पभाए पुढवीए
 णेरइयत्ताए उववज्जिहिति, से णं ततो अणंतं उव्वट्ठित्ता इहेव जंबुद्दीवे दीवे भारहे वासे वेयड्ढगिरिपायमूले वानरकुलंसि वाणरत्ताए
 उववज्जिहिति, से णं तत्थ उम्मुक्कबालभावे तिरियभोएसु मुच्छिते गिद्धे गढिते उज्झोववण्णे जाते जाते वानरपेल्लए वहेहिति तं
 एयकम्मे० कालमासे कालं किच्चा इहेव जंबुद्दीवे दीवे भारहे वासे इंदपुरे नयरे गणियाकुलंसि पुत्तत्ताए पच्चयाहिति, तते णं
 तं दारयं अम्मापितरो जायमेत्तकं वद्धेहिति नपुंसगकम्मं सिक्खावेहिति, तते णं तस्स दारगस्स अम्मापितरो णिव्वत्तबारसाहस्स
 इमं एयारूवं णामधेज्जं करेहिति, तं०-होउ णं पियसेणे णामं णपुंसए, तते णं से पियसेणे णपुंसते उम्मुक्कबालभावे जोव्वणगमणुप्पते
 विण्णायपरिणयमेत्ते रूवेण य जोव्वणेण य लावण्णेण य उक्किट्ठे उक्किट्ठसरीरे भविस्सति, तते णं से पियसेणे णपुंसए इंदपुरे
 णगरे बहवे राईसरजावपभिइओ बहूहिं य विज्जापओगेहि य मंतचुण्णेहि य हियउड्डावणेहि य काउड्डावणेहि य निणहवणेहि
 य पणहवणेहि य वसीकरणेहि य आभिओगिणहि य अभिओगित्ता उरालाइं माणुस्सयाइं भोगभोगाइं भुंजमाणे विहरिस्सति, तते
 णं से पियसेणे णपुंसए एयकम्मे० सुबहुं पावं कम्मं समज्जिणित्ता एक्कवीसं वाससयं परमाउं पालयित्ता कालमासे कालं किच्चा

॥ श्री विपाकदशाङ्गम् ॥

२०

पू. सागरजी म. संशोधित

इमीसे रयणप्पहाए पुढवीए णेरयइत्ताते उववज्जिहिति, ततो सिरीसिवेसु सुंसुमारे संसारो तहेव जहा पढमे जाव पुढवी०, से णं तओ अणंतं उव्वट्ठित्ता इहेव जंबुदीवे दीवे भारहे वासे चंपाए नयरीए महिसत्ताए पच्चायाहिति, से णं तत्थ अण्णया कयाती गोट्टिल्लिएहिं जीवियाओ ववरोविए समाणे तत्थेव चंपाए नयरीए सेट्ठिकुलंसि पुत्त(प्र० म)त्ताए पच्चायाहिति, से णं तत्थ उम्मुक्कबालभावे तहारूवाणं थेराणं अंतिते केवलं बोहिं० अणगारे० सोहम्मे कप्पे० जहा पढमे जाव अंतं करेहिति। निक्खेवो।१३॥ इति उज्झितकाध्ययनं २॥

तच्चस्स उक्खेवो, एवं खलु जंबू! तेणं कालेणं० पुरिमताले णामं णगरे होत्था रिद्धं०, तस्स णं पुरिमतालस्स नगरस्स उत्तरपुरच्छिमे दिसीभाए एत्थ णं अमोहदंसी उज्जाणे, तत्थ णं अमोहदंसिस्स जक्खस्स जक्खाययणे होत्था, तत्थ णं पुरिमताले महब्बले णामं राया होत्था, तस्स णं पुरिमतालस्स णगरस्स उत्तरपुरच्छिमे दिसीभाए देसप्पंते अडवी संठिया, एत्थ णं सालाडवी णामं चोरपल्ली होत्था विसमगिरिकंदरकोलंबसण्णिविट्ठा वंसीकलंकपागारपरिक्खित्ता छिण्णसेलविसमप्पवायफरिहोवगूढा अभिंतरपाणिया सुदुल्लभजलपेरंता अणेगखंडीविदितजण दिण्णनिग्गमप्पवेसा सुबहुयस्सवि कूवियस्स जणस्स दुप्पहंसा यावि होत्था, तत्थ णं सालाडवीए चोरपल्लीए विजए णामं चोरसेणावती परिवसति अहम्मिए जाव विहरइ हणछिन्नभिन्नवियत्तए लोहियपाणी बहुणगरणिग्गतजसे सूरु दढप्पहारी साहसिते सद्धवेही असिलट्ठिपढममल्ले, से णं तत्थ सालाडवीए चोरपल्लीए पंचण्हं चोरसताणं

आहेवच्चं जाव विहरति।१४। तते णं से विजए चोरसेणावती बहूणं चोराण य पारदारियाण य गंठिभेयगाण य संधिछेयाण य खंडपट्टाण य अण्णेसिं च बहूणं छिण्णाभिण्णबाहिराहियाणं कुडंगे यावि होत्था, तते णं से विजए चोरसेणावई पुरिमतालस्स णगरस्स उत्तरपुरच्छिमिल्लं जणवयं बहूहिं गामघातेहि य नगरघातेहि य गोग्गहणेहि य बंदिग्गहणेहि य पंथकोट्टेहि य खत्तखणणेहि य ओवीलेमाणे २ विद्धंसेमाणे तज्जेमाणे तालेमाणे नित्थाणे निद्धणे निक्कणे कप्पायं करेमाणे विहरति, महब्बलस्स रण्णो अभिक्खणं २ कप्पायं गेण्हति, तस्स णं विजयस्स चोरसेणावइयस्स खंदसिरी णामं भारिया होत्था अहीण०, तस्स णं विजयचोरसेणावइस्स पुत्ते खंदसिरीए भारियाए अत्तए अभग्गसेणे नामं दारए होत्था अहीण०, तेणं कालेणं० समणे भगवं महावीरे पुरिमतालनगरे समोसढे परिसा निग्गया राया निग्गओ धम्मो कहिओ परिसा राया य पडिगओ, तेणं कालेणं० समणस्स भगवओ महावीरस्स जेढे अंतेवासी गोयमे जाव रायमग्गं समोगाढे, तत्थ णं बहवे हत्थी पासति बहवे आसे० पुरिसे सण्णद्धबद्धकवए, तेसिं णं पुरिसाणं मज्झगतं एगं पुरिसं पासति अवओडय० झाव उग्घोसेज्जमाणं, तते णं तं पुरिसं रायपुरिसा पढमंसि चच्चरंसि निसीयावेति ता अट्ट चुल्लपिउए अग्गओ घाएति ता कसप्पहारेहिं तालेमाणा २ कलुणं काक्किमंसाइं खावेति ता रुंहरपाणं च पाएति, तदाणंतं च णं दोच्चंसि चच्चरंसि अट्ट चुल्लमाउयाओ अग्गओ घाएति ता० एवं तच्चे चच्चरे अट्ट महापिउए चउत्थे अट्ट महामाउयाओ पंचमे पुत्ते छट्ठे सुण्हाओ सत्तमे जामाउया अट्टमे धूयाओ णवमे णत्तुया दसमे णत्तुईओ एक्कारसमे णत्तुयावई बारसमे णत्तुइणीओ तेरसमे

पिउस्सियपतिया चोदसमे पिउस्सियाओ पण्णरसमे माउसियापतिया सोलसमे माउस्सियाओ सत्तरसमे मामियाओ अट्टारसमे अवसेसं
 भित्तनाइनियगसयणसंबंधिपरियणं अग्गओ घातेति ता कसप्पहारेहिं तालेमाणा २ कलुणं काकणिमंसाइं खावेति रुहिरपाणं च
 पाएति।१॥ तते णं से भगवं गोतमे तं पुरिसं पासति ता इमे एयारूवे अज्झत्थिए० समुप्पण्णे जाव तहेव णिग्गते एवं व०-
 एवं खलु अहं भंते! तं चेव जाव से णं भंते! पुरिसे पुव्वभवे के आसी जाव विहरति, एवं खलु गोतमा ! तेणं कालेणं० इहेव
 जंबुद्दीवे दीवे भारहे वासे पुरिमताले नामं नगरे होत्था रिद्ध०, तत्थ णं पुरिमताले नगरे उदिओदए नामं राया होत्था महया०, तत्थ
 णं पुरिमताले निन्नए नामं अंडयवाणियए होत्था अड्ढे जाव अपरिभूते अहम्मिए जाव दुप्पडियाणंदे, तस्स णं णिण्णयस्स
 अंडयवाणियगस्स बहवे पुरिसा दिण्णभतिभत्तवेयणा कल्लाकल्लिं कोदालियाओ य पत्थियापिडए य गेण्हंति, पुरिमतालस्स णगरस्स
 परिपेरंतेसु बहवे काइअंडए य धूतिअंडए य पारेवड० टिट्ठिभिबगिमयूरिकुक्कुडिअंड य अण्णेसिच बहूणं जलयरथलयरखहयरमाईणं
 अंडाई गेण्हंति ता पत्थियपिडगाइं भरेति ता जेणेव निन्नए अंडवाणियए तेणेव उवा० ता निन्नयस्स अंडवाणियगस्स उवणेति,
 तते णं तस्स निन्नयस्स अंडवाणियगस्स बहवे पुरिसा दिण्णभइ० बहवे काइअंडए य जाव कुक्कुडिअंडए य अण्णेसिं च ब० णं
 जलयरथलयरखहयरमाईणं अंडए तवएसु य कवल्लीसु य कंदूसु य भज्जणएसु य इंगालेसु य तलेति भज्जेति सोल्लिति ता रायमग्गे
 अंतरावणंसि अंडयपणिएणं वित्तिं कप्पेमाणा विहरंति अप्पणावि य णं से निन्नए अंडवाणियए तेहिं बहूहिं काइअंडएहि य जाव

कुक्कुडिअंडएहि य सोल्लेहि य तलिएहि य भज्जिएहिं य सुरं च० आसाएमाणे० विहरति, तते णं से नित्रए अंडवाणियए एयकम्मे० सुबहुं पावं कम्मं समज्जिणित्ता एगं वाससहस्सं परमाउं पालइत्ता कालमासे कालं किच्चा तच्चाए पुढवीए उक्कोससत्तसागरोवमट्ठितीएसु णेरइएसु णेरइयत्ताए उववण्णे ११६ १ से णं तओ अणंतं उव्वट्ठित्ता इहेव सालाडवीए चोरपल्लीए विजयस्स चोरसेणावइस्स खंदसिरीए भारियाए कुच्छिसि पुत्त(प्र० म)त्ताए उववण्णे, तते णं तीसे खंदसिरीए भारियाए अण्णया कयाई तिण्हं मासाणं बहुपडिपुण्णाणं इमे एयारूवे दोहले पाउब्भूते धण्णाओ णं ताओ अभ्मयाओ० जाओ णं बहूहिं भित्तणाइनियगसयणसंबंधिपरियणमहिलाहिं अण्णाहि य चोरमहिलाहिं सद्धिं संपरिवुडा ण्हाया जाव पायच्छित्ता सव्वालंकारविभूसिता विउलं असणं पाणं खाइमं साइमं सुरं च० आसादेमाण॥० विहरंति, जिमियभुत्ततरागयाओ पुरिसनेवत्थिया सण्णद्ध जाव पहरणावरणा भरिएहिं फलएहिं णिक्किट्ठहिं असीहिं अंसागतेहिं तोणेहिं सजीवेहिं धणूहिं समुक्खित्तेहिं सेरेहिं समुल्लासियाहि य दामाहिं लंबियाहि य ऊरुघंटाहिं छिप्पतूरेणं वज्जमाणेणं महया उक्किट्ठ जाव समुहरवभूयंपिव करेमाणीओ सालाडवीए चोरपल्लीए सव्वओ समंता ओलोएमाणीओ २ आहिंडेमाणीओ २ दोहलं विणेति तं जइ णं अहंपि जाव विणिज्जामित्तिकट्ठु तंसि दोहलंसि अविणिज्जमाणंसि जाव झियाति, तते णं से विजए चोरसेणावती खंदसिरिभारियं ओहत जाव पासति ता एवं व०-किण्णं तुमं देवाणु०! ओहत जाव झियासि?, तते णं सा खंदसिरी विजयं एवं व०-एवं खलु देवाणु०! मम तिण्हं मासाणं जाव झियामि, तते णं से विजए चोरसेणावती खंदसिरीभारियाए अंतिते

एयमद्वं सोच्या निसम्म० खंदसिरिभारियं एवं व०-अहासुहं देवाणुप्पिएत्ति एयमद्वं पडिसुणेति, तते णं सा खंदसिरीभारिया विजएणं चोरसेणावतिणा अब्भणुण्णाया समाणी हट्ठं बहूहिं मित्त जाव अण्णाहि य बहूहिं चोरमहिलाहिं सद्धिं संपरिवुडा ण्हाया जाव विभूसिता विपुलं असणं० सुरं० च० आसादेमाणी० विहरति, जिमियभुत्तुत्तरागया पुरिसणेवत्थिया सण्णद्धबद्ध जाव आहिंडमाणी डोहलं विणेति, तते णं सा खंदसिरिभारिया संपुण्णदोहला संमाणियदोहला विणी(माणि०यदोहला वोच्छिण्णदोहला संपन्नदोहला तं गब्भं सुहंसुहेणं परिवहति, तते णं सा खंदसिरी चोरसेणावतिणी णवण्हं मासाणं बहुपडिपुण्णाणं दारगं पयाता, तते णं से विजए चोरसेणावती तस्स दारगस्स महया इडिढसक्कारसमुदएणं दसरत्तं ठिडवडियं करेति, तते णं से विजए चोरसेणावती तस्स दारगस्स एक्कारसमे दिवसे विपुलं असणं० उवक्खडा वेति मित्तनाति० आमंतेति ता जाव तस्सेव मित्तनाति० पुरओ एवं व०-जम्हा णं अम्हं इमंसि दारगंसि गब्भगयंसि समाणंसि इमे एयारूवे दोहले पाउब्भूते तम्हा णं होउ अम्हं दारए अभग्गसेणे णामेणं, तते णं से अभग्गसेणे कुमारे पंचथाई जाव परिवड्ढति १७१ तते णं से अभग्गसेणकुमारे उम्मुक्कबालभावे यावि होत्था, अट्ट दारियाओ जाव अट्टओ दाओ उप्पिं पासाए भुंजमाणे विहरति, तते णं से विजए चोरसेणावती अण्णया कयाती कालधम्मणा संजुत्ते, तते णं से अभग्गसेणे कुमारे पंचहिं चोरसतेहिं सद्धिं संपरिवुडे रोयमाणे कंदमाणे विलवमाणे विजयस्स चोरसेणावडस्स महया इडिढसक्कारसमुदएणं णीहरणं करेति ता बहूइं लोइयाइं मयकिच्चाइं करेति ता केवड्ढकालेणं अण्णसोए जाते यावि होत्था,

तते णं ताइं पंच चोरसयाइं अत्रया कयाती अभग्गसेणं कुमारं सालाडवीए चोरपल्लीए महया० चोरसेणावइत्ताए अभिसिंचंति,
तते णं से अभग्गसेणे कुमारे चोरसेणावती जाते अहम्मिए जाव कप्पायं गेण्हति, तते णं ते जाणवया पुरिसा अभग्गसेणेणं
चोरसेणावतिणा बहुगामघायावणाहिं० ताविया समाणा अण्णमण्णं सद्दावेति ता एवं व०-एवं खलु देवाणु०! अभग्गसेणे
चोरसेणावती पुरिमतालस्स णगरस्स उत्तरिल्लं जणवयं बहूहिं गामघातेहिं जाव निद्धणं करेमाणे विहरति, तं सेयं खलु देवाणुप्पिया!
पुरिमताले णगरे महब्बलस्स रण्णो एतमट्ठं विन्न वित्तते (प्र० निवेदिताए) तते णं ते जाणवयपुरिसा एतमट्ठं अण्णमण्णं पडिसुणेति
त्तां महत्थं महग्घं महरिहं रायरिहं पाहुडं गेण्हंति ता जेणेव पुरिमताले णगरे जेणेव महब्बले राया तेणेव उवागते ता महब्बलस्स
रण्णो तं महत्थं जाव पाहुडं उवणेति ता करयल० अंजलिं कट्ठु महब्बलं रायं एवं व०-एवं खलु सामी! सालाडवीए चोरपल्लीए
अभग्गसेणे चोरसेणावती अम्हे बहूहिं गामघातेहि य जाव निद्धणे करेमाणे विहरति तं इच्छामि णं सामी ! तुब्भं बाहुच्छायापरिगहीया
निब्भया णिरुव्विग्गा सुहंसुहेणं परिवसित्तएत्तिकट्ठु पादपडिया पंजलिउडा महब्बलं रायं एतमट्ठं विण्णवेति, तते णं से महब्बले
राया तेसिं जाणवयाणं पुरिसाणं अंतिए एयमट्ठं सोच्चा निसम्म आसुरुत्ते जाव मिसिमिसेमाणे तिवलियं भिउडिं निडाले साहट्ठु
दंडं सद्दावेति ता एवं व०-गच्छह णं तुमं देवाणुप्पिया! सालाडविं चोरपल्लिं विलुंपाहि ता अभग्गसेणं चोरसेणावइं जीवग्गाहं
गेण्हाहि ता मंम उवणेहि, तते णं से दंडे तहत्ति विणएणं एयमट्ठं पडिसुणेति, तते णं से दंडे बहूहिं पुरिसेहिं सण्णद्ध जाव पहरणेहिं

सद्धिं संपरिवुडे मग्गइएहिं फलएहिं जाव छिप्पतूरेणं वज्जमाणेणं महया२ जाव करेमाणे पुरिमतालं णगरं मज्झंमज्झेणं निग्गच्छति
 ता जेणेव सालाडवी चोरपल्ली तेणेव पहारेत्थ गमणाए, तते णं तस्स अभग्गसेणस्स चोरसेणावइस्स चारपुरिसा इमीसे कहाए
 लद्धट्ठा समाणा जेणेव सालाडवी चोरपल्ली जेणेव अभग्गसेणे चोरसेणावई तेणेव उवागच्छंति करयल जाव एवं व०-एवं खलु
 देवाणुप्पिया! पुरिमताले णगरे महब्बलेणं रण्णा महया भडचडगरेणं दंडे आणत्तेगच्छह णं तुमे देवाणु० ! सालाडविं चोरपल्लीं
 विलुंपाहि ता अभग्गसेणं चोरसेणावतिं जीवग्गाहं गेणहाहि ता ममं उवणेहि, तते णं से दंडे महया भडचडगरेणं जेणेव चोरपल्ली
 तेणेव पहारेत्थ गमणाए, तते णं से अभग्गसेणे तेसिं चारपुरिसाणं अंतिए एयमट्ठं सोच्या निसम्म पंचचोरसताइं सद्दावेति ता एवं
 व०-एवं खलु देवाणुप्पिया ! पुरिमताले णगरे महब्बले जाव तेणेव पहारेत्थ गमणाए आगते, तते णं से अभग्गसेणे ताइं पंचचोरसताइं
 एवं व०-तं सेयं खलु देवाणुप्पिया ! अहं तं दंडं सालाडविं चोरपल्लीं असंपत्तं अंतरा चेव पडिसेहित्तए, तते णं ताइं पंचचोरसताइं
 अभग्गसेणस्स चोरसेणावइस्स तहत्ति जाव पडिसुणेति, तते णं से अभग्गसेणे चोरसेणावती विपुलं असणं पाणं खाइमं साइमं
 उवक्खडावेति ता पंचहिं चोरसतेहिं सद्धिं णहाते जाव पायच्छित्ते भोयणमंडवंसि तं विपुलं असणं० सुरं च० आसाएमाणे० विहरति,
 जिमियभुत्तुत्तरागतेवि य णं समाणे आयंते चोक्खे परमसुईभूते पंचहिं चोरसतेहिं सद्धिं अल्लं चम्मं दुरूहति ता सण्णद्ध० जाव
 पहरणेहिं मग्गाइतेहिं जाव रवेणं पुव्वा (प्र० पच्चा) वरण्हकालसमयंसि सालाडवीओ चोरपल्लीओ णिग्गच्छति ता विसमदुग्गगहणं

ठिते गहियभत्तपाणिए तं दंडं पडिवालेमाणे चिट्ठति, तते णं से दंडे जेणेव अभग्गसेणे चोरसेणावती तेणेव उवागच्छति ता
 अभग्गसेणेणं चोरसेणावइणा सद्धिं संपलगे यावि होत्था, तते णं से अभग्गसेणे चोरसेणावई तं दंडं खिप्पामेव हयमहिय जाव
 पडिसेहेति, तते णं से दंडे अभग्ग० चोरसे० हय० जाव पडिसेहिते समाणे अथामे अबले अवीरिए अपुरिसक्कारपरक्कमे
 अधारणिज्जमितिकटट्टु जेणेव पुरिमताले णगरे जेणेव महब्बले राया तेणेव उवा० ता करयल० जाव एवं व०-एवं खलु सामी!
 अभग्गसेणे चोरसे० विसमदुग्गगहणं ठिते गहितभत्तपाणिए नो खलु से सक्का केणइ सुबहुएणावि आसबलेण वा हत्थिबलेण
 वा जोहबलेण वा रहबलेण वा चाउरंगेणंपि उरंउरेणं गेण्हित्ते ताहे सामेण य भेदेण य उवप्पदाणेण य वीसंभमाणेउं पयत्ते यावि
 होत्था, जेविय से अब्भितरगा सीसगभमा भित्तनातिनियगसयणसंबंधिपरियणं च विपुलधणकणगरयणसंतसारसावतेज्जेणं भिंदति,
 अभग्गसेणास्स य चोरसे० अभिक्खणं २ महत्थाइं महग्घाइं महरिहाइं रायारिहाइं पाहुडाइं पेसेति अभग्गसेणं च चोरसे० वीसंभमाणेइ
 ११८। तते णं से महब्बले राया अण्णया कयाई पुरिमताले णगरे एगं महं महतिमहालयं कूडागारसालं करेति अणेगखंभसतसंनिविट्ठं
 पासाईयं०, तते णं से महब्बले राया अण्णया कयाई पुरिमताले नगरे उस्सुक्कं जाव दसरत्तं पमोयं उग्घोसावेति ता कोडुंबियपुरसे
 सद्दावेति ता एवं व०-गच्छह णं तुब्भे देवाणु०! सालाडवीए चोरपल्लीए तत्थ णं तुब्भे अभग्गसेणं चोरसे० करयल जाव एवं
 व०-एवं खलु देवा०! पुरिमताले णगरे महब्बलस्स रण्णो उस्सुक्के जाव दसरत्ते पमोदे उग्घोसिते तं किण्णं देवाणु०! विउलं असणं०

पुष्पवत्थगंधमल्लालंकारे य इहं हव्वमाणिज्ज उ उयाहु सयमेव गच्छित्था?, तते णं कोडुंबियपुरिसा महब्बलस्स रण्णो कर० जाव
 पुरिमतालाओ णगराओ पडि० ता णातिविकिट्ठेहिं अब्बाणेहिं सुहेहिं वसहिपायरासेहिं जेणेव सालाडवी चोरपल्ली तेणेव उवा०
 अभग्गसेणं चोरसेणावतिं करयल० जाव एवं व०-एवं खलु देवाणु०! पुरिमताले णगरे महब्बलस्स रण्णो उस्सुंके जाव उदाहु
 सयमेव गच्छित्था?, तते णं से अभग्ग० चोरसे० ते कोडुंबियपुरिसे एवं व०-अहण्णं देवाणु० ! पुरिमतालं णगरं सयमेव गच्छामि,
 ते कोडुंबियपुरिसे सक्कारेति० पडिविसज्जेति, तते णं से अभग्गसेणे चोरसे० बहूहिं भित्त० जाव परिवुडे णहाते जाव पायच्छित्ते
 सव्वालंकारविभूसिते सालाडवीओ चोरपल्लीओ पडिनिक्खमति ता जेणेव पुरिमताले णगरे जेणेव महब्बले राया तेणेव उवा०
 ता करयल० महब्बलं रायं जएणं विजएणं वद्धावेति ता महत्थं जाव पाहुडं उवणेति, तते णं से महब्बले राया अभग्गसेणस्स
 चोरसे० तं महत्थं जाव पडिच्छति अभग्गसेणं चोर० सक्कारेति संमाणेति ता पडिविसज्जेति कूडागारसालं च से आवसहं दलयति,
 तते णं से अभग्गसेणे चोरसेणावती महब्बलेणं रण्णा विसज्जिते समाणे जेणेव कूडागारसाला तेणेव उवागच्छति, तते णं से
 महब्बले राया कोडुंबियपुरिसे सदावेति ता एवं व०-गच्छह णं तुब्भे देवाणु० ! विउलं असणं० उवक्खडावेह ता तं विउलं
 असणं० सुरं च० सुबहुं पुष्पवत्थगंधमल्लालंकारं च अभग्गसेणस्स चोरसे० कूडागारसालाए उवणेह, तते णं ते कोडुंबियपुरिसा
 करयल० जाव उवणेति, तते णं से अभग्गसेणे चोरसेणावई बहूहिं भित्त० सद्धिं संपरिवुडे णहाते जाव सव्वालंकारविभूसिए तं

विउलं असणं० सुरं च० आसाए० पमत्ते विहरति, तते णं से महब्बले राया कोडुंबियपुरिसे सदावेति ता एवं व०-गच्छह णं तुब्भे देवाणु० पुरिमतालस्स नगरस्स दुवाराइं पिधेह ता अभग्गसेणं चोरसेणावइं जीवग्गाहं गेण्हह ता ममं उवणेह तते णं ते कोडुंबिया करयल० जाव पडिसुणेति ता पुरिमतालस्स नगरस्स दुवाराइं पिहेति अभग्गसेणं चोरसे० जीवग्गाहं गेण्हति महब्बलस्स रण्णो उवणेति, तते णं से महब्बले राया अभग्गसेणं चोरसे० एतेणं विहाणेणं वज्झं आणवेति, एवं खलु गोतमा! अभग्गसेणे चोरसेणावती पुरा जाव विहरति, अभग्गसेणे णं भंते! चोरसेणावती कालमासे कालं किच्चा कहिं गच्छिहिइ कहिं उववज्जिहिति?, गोतमा! अभग्गसेणे चोरसे! सत्ततीसं वासाइं परमाउयं पालइत्ता अज्जेव तिभागावसेसे दिवसे सुलभिण्णे कते समाणे कालगते इमीसे रयणप्पभाए पुढवीए उक्कोस० नेरइएसु उववज्जिहिति, से णं ततो अणंतरं उव्वट्ठित्ता एवं संसारो जहा पढमे जाव पुढवीए ततो उव्वट्ठित्ता वाणारसीए णगरीए सूयरत्ताए पच्चायाहिति से णं तत्थ सोयरिएहिं जीवियाउ ववरोविए समाणे तत्थेव वाणारसीए णगरीए सेट्टिकुलंसि पुत्त(प्र० म)त्ताए पच्चायाहिति, से णं तत्थ उम्मुक्कबालभावे एवं जहा पढमे जाव अंतं काहिति। निक्खेवो ।१९॥ इति अभग्गसेणज्झयणं ३॥

जति णं भंते!० चउत्थस्स उक्खेवो, एवं खलु जम्बू! तेणं कालेणं० साहंजणी णामं णगरी होत्था रिद्धत्थिभिय०, तीसे णं साहंजणीए बहिया उत्तरपुरच्छिमे दिसीभाए देवरमणे णामं उज्जाणे होत्था, तत्थ णं अमोहस्स जक्खस्स जक्खायतणे होत्था

पुराणे०, तत्थ णं साहंजणीए णयरीए महचंदे नामं राया होत्था महता०, तस्स णं महचंदस्स रण्णो सुसेणे णामं अमच्चे होत्था सामदामभेयदंडनिग्गहकुसले, तत्थ णं साहंजणीए णगरीए सुदरिसणा णामं गणिया होत्था वण्णओ, तत्थ णं साहंजणीए णयरीए सुभदे नामं सत्थवाहे परिवसइ अइढे०, तस्स णं सुभदस्स सत्थवाहस्स भद्दा नामं भारिया होत्था अहीण०, तस्स णं सुभदस्स सत्थवाहस्स पुत्ते भद्दाए भारियाए अत्तए सगडे नामं दारए होत्था अहीण०, तेणं कालेणं० समणे भगवं महावीरे समोसढे परिसा राया य निग्गते धम्मो कहिओ परिसा पडिगया, तेणं कालेणं० समणस्स० जेढे अंतेवासी जाव रायमग्गं ओगाढे, तत्थ णं हत्थी आसे पुरिसे० तेसिं च णं पुरिसाणं मज्झगतं पासति एगं सइत्थियं पुरिसं अवओडगबंधणं उक्कित्तकण्णनासं जाव उग्घोसणं चिंता तहेव जाव भगवं वागरेति एवं खलु गोतमा! तेणं कालेणं० इहेव जंबुदीबे दीवे भारहे वासे छगलपुरे णामं णगरे होत्था, तत्थ सीहगिरी णामं राया होत्था महया०, तत्थ णं छगलपुरे णगरे छणिणए णामं छागलिए परिवसति अइढे अहम्मिए जाव दुप्पडियाणंदे, तस्स णं छणिणयस्स छागलियस्स बहवे अयाण य एलयाण य रोज्झाण य वसुभाण य ससयाण य पसयाण य सूयराण य सिंघाण य हरिणाण य मऊराण य महिसाण य सतबद्धाण य सहस्सबद्धाण य जूहाणि वाडगंसि सण्णिरुद्धाइं चिट्ठंति, अण्णे य तत्थ बहवे पुरिसा दिण्णभइभत्त० बहवे अए य जाव महिसे य सारक्खेमाणा संगोवेमाणा चिट्ठंति, अण्णे य से बहवे पुरिसा दिण्णभत्ति० बहवे अए य जाव महिसे य सयए य सहस्सए य जीवियाओ ववरोविंति ता मंसाइं कप्पणीकप्पियाइं करंति छणिणयस्स

छागलियस्स उवणेति, अण्णे य से बहवे पुरिसा ताइं बहुयाइं अयमंसाइं जाव महिसमंसाइं तवएसु ५ कवल्लीसु य कंदूएसु य भज्जणएसु इंगालेसु य तलेति य भज्जेति य सोल्लिंति य ता य रायमग्गंसि वित्तिं कप्पेमाणा विहरंति, अप्पणावि य णं से छणिणाय छागलिए तेहिं बहूहिं अयमंसेहि य जाव महिसमंसेहि य सोल्लेहि य तलिएहि य भज्जिएहि य सुरं च० आसादेमाणे० विहरति, तते णं से छणिणाय छागलिए एयकम्मे० सुबहुं पावकम्भं कलिकलुसं समज्जिणित्ता सत्तवाससयाइं परमाउं पालइत्ता कालमासे कालं किच्चा चउत्थीए पुढवीए उक्कोसेणं दससागरोवमठितीएसु णेरइएसु णेरइयत्ताए उववण्णे १२०१ तते णं सा तस्स सुभद्दस्स सत्थवाहस्स भद्दा भारिया जाव णिंदुया यावि होत्था जाता २ दारगा विणिहायमावज्जंति, तते णं से छणिणाय छागलिए चउत्थीए पुढवीए अणंतं उव्वट्ठित्ता इहेव साहंजणीए णयरीए सुभद्दस्स सत्थवाहस्स भद्दाए भारियाए कुच्छंसि पुत्तत्ताए उववण्णे, तते णं सा भद्दा सत्थवाही अण्णया कयाई णवण्हं मासाणं बहुपडिपुण्णाणं दारगं पयाया, तते णं तं दारगं अम्मापियरो जायमेत्तं चेव सगडस्स हेट्ठओ ठवेति ता दोच्चंपि गेण्हावेति अणुपुव्वेणं सारक्खंति संगोवेति संवड्ढेति जहा उज्झियए जाव जम्हा णं अम्हं इमे दारए जायमेत्तए चेव सगडस्स हेट्ठओ ठविते तम्हा णं होउ णं अम्हं एस दारए सगडे नामेणं सेसं जहा उज्झियए, सुभद्दे लवणे कालगओ मायावि कालगता सेवि गिहाओ निच्छूढे, तते णं से सगडे दारए साओ गिहाओ निच्छूढे समाणे सिंघाडग० तहेव जाव सुदरिसणाए गणियाए सद्धिं संपलग्गे यावि होत्था, तते णं से सुसेणे अमच्चे तं सगडं दारयं अण्णया कयाई सुदरिसणाए

गणियाए गिहाओ निच्छुभावेति ता सुदंसणियं गणियं अब्भितरयं ठावेति ता सुदरिसणाए गणियाए सद्धिं उरालाईं माणुस्सगाईं भोगभोगाईं भुंजमाणे विहरति, तते णं से सगडे दारए सुदरिसणाए गिहाओ निच्छूढे समाणे अण्णत्थ कत्थवि सतिं वा० अलभमाणे अण्णया कयाई रहस्सियं सुदरिसणागिहं अणुपविसति ता सुदरिसणाए सद्धिं उरालाईं भोगभोगाईं भुंजमाणे विहरति, इमं च णं सुसेणे अमच्चे ण्हाते जाव विभूसिते मणुस्सवग्गुराए परिक्खित्ते जेणेव सुदरिसणागणियाए गिहे तेणेव उवा० ता सगडं दारयं सुदरिसणाए गणियाए सद्धिं उरालाईं भोगभोगाईं भुंजमाणं पासति ता आसुरुत्ते जाव मिसिमिसेमाणे तिवलियं भिउडिं णिलाडे साहट्टु सगडं दारयं पुरिसेहिं गेण्हावेति ता अट्ठि जाव महियं करेति ता अयओडगबन्धणं करेति ता जेणेव महचंदे राया तेणेव उवा० करयल० जाव एवं व०-एवं खलु सामी! सगडे दारए ममं अंतेपुरंसि अवरद्धे, तते णं महचंदे राया सुसेणं अमच्चं एवं व०-तुमं चेव णं देवाणु०! सगडस्स दारगस्स दंडं णिव्वत्तेहि, तए णं से सुसेणे अमच्चे महचंदेणं रण्णा अब्भणुण्णाए समाणे सगडं दारयं सुदरिसणं च गणियं एएणं विहाणेणं वज्झं आणावेति, तं एवं खलु गोतमा! सगडे दारए पुरा पोराणाणं दुच्चिण्णाणं जाव विहरति ।२१। सगडे णं भंते! दारए कालगते कहिं गच्छिहिति कहिं उववज्जिहिति?, गोतमा! सगडे णं दारए सत्तावण्णं वासाइं परमाउं पालयित्ता अज्जेव तिभागावसेसे दिवसे एगं महं अओमयं तत्तसमजोइभूयं इत्थिपडिमं अवयासाविए समाणे कालमासे कालं किच्चा इमीसे रयणप्पभाए पुढवीए णेरइयत्ताए उववज्जिहिति से णं ततो अणंतं उव्वट्ठित्ता रायगिहे णगरे मातंगकुलंसि

णाम देवी होत्था, तस्स णं सयाणीयस्स सोमदत्ते नामं पुरोहिण होत्था रिउव्वेद०, तस्स णं सोमदत्तस्स पुरोहियस्स वसुदत्ता णामं भारिया होत्था, तस्स णं सोमदत्तस्स पुत्ते वसुदत्ताए अत्तए बहस्सइदत्ते नामं दारए होत्था अहीण०, तेणं कालेणं० समणे भगवं महावीरे समोसरणं, तेणं कालेणं० भगवं गोतमे तहेव जाव रायमग्गं ओगाढे तहेव पासति हत्थी आसे पुरिसे मज्झे पुरिसं चिंता तहेव पुच्छति पुव्वभवं भगवं वागरेति एवं खलु गोतमा! तेणं कालेणं० इहेव जंबुद्वीवे दीवे भारहे वासे सव्वओभदे णामं णगरे होत्था रिद्ध०, तत्थ णं सव्वतोभदे णगरे जितसत्तू णामं राया होत्था, तस्स णं जितसत्तुस्स रण्णो महेसरदत्ते नामं पुरोहिण होत्था रिउव्वेद० जाव अथव्वणकुसले यावि होत्था, तते णं से महेसरदत्ते पुरोहिते जितसत्तुस्स रण्णो रज्जबलविवद्धणट्टयाए कल्लाकल्लिं एगमेगं माहणदारगं एगमेगं खत्तियदारगं एगमेगं वइस्सदारगं एगमेगंसुद्धदारगं गेणहावेति त्ता तेसिं जीवंतगाणं चेव हियउंडए गेणहावेति त्ता जितसत्तुस्स रण्णो संतिहोमं करेति, तते णं से महेसरदत्ते पुरोहिते अट्ठमिचउद्धसीसु दुवे माहणखत्तियवेस्ससुद्धदारगे चउण्हं मासाणं चत्तारि २ छण्हं मासाणं अट्ठ २ संवच्छरस्स सोलस २ जाहे जाहेविय णं जितसत्तू राया परबलेणं अभिजुज्झति ताहे ताहेवि य णं से महेसरदत्ते पुरोहिण अट्ठसयं माहणदारगाणं अट्ठसयं खत्तियदारगाणं अट्ठसयं वइस्सदारगाणं अट्ठसयं सुद्धदारगाणं पुरिसेहिं गिणहावेति त्ता तेसिं जीवंतगाणं चेव हियउंडए गेणहावेति त्ता जितसत्तुस्स रण्णो संतिहोमं करेति, तते णं से परबलं खिप्पामेव विद्धंसेति वा पडिसेहिज्जति वा । २३ । तते णं से महेसरदत्ते पुरोहिते एयकम्मे० सुबहुं पावं जाव समज्जिणित्ता तीसं वाससयाइं

परमाउं पालयित्ता कालमासे कालं किच्चा पंचमाए पुढवीए उक्कोसेणं सत्तरससागरोवमद्वितिए नरगे उववण्णे, से णं ततो अणंतं उव्वट्ठित्ता इहेव कोसंबीए णयरीए सोमदत्तस्स पुरोहितस्स वसुदत्ताए भारियाए पुत्तत्ताए उववण्णे, तते णं तस्स दारगस्स अम्मापितरो निव्वत्तबारसाहस्स इमं एयारूवं नामधिज्जं करेति जम्हा णं अम्हं इमे दारए सोमदत्तस्स पुरोहितस्स पुत्ते वसुदत्ताए अत्तए तम्हा णं होउ अम्हं दारए बहस्सतिदत्ते नामेणं, तते णं से बहस्सतिदत्ते दारए पंचधातीपरिग्गहीते जाव परिवड्ढति, तते णं से बहस्सतिदत्ते उम्मुक्कबालभावे जोव्वण० विण्णाय० होत्था, से णं उदायणस्स कुमारस्स पियबालवयंसे यावि होत्था सहजायए सहवड्ढियए सहपंसुकीलियए, तते णं से सयाणीए राया अण्णया कयाई कालधम्मणा संजुत्ते, तते णं से उदायणे कुमारे बहूहिं राईसरजावसत्थवाहण्णभितीहिं सद्धिं संपरिवुडे रोयमाणे कंदमाणे विलवमाणे सयाणीयस्स रण्णो महया इड्ढिसक्कारसमुदएणं णीहरणं करेति त्ता बहूइं लोइयाइं मयकिच्चाइं करेति, तते णं ते बहवे राईसरजावसत्थवाहा उदायणं कुमारं महया रायाभिसेगेणं अभिसिंचंति, तते णं से उदायणे कुमारे राया जाते महया०, तते णं से बहस्सतिदत्ते दारए उदायणस्स रण्णो पुरोहितकम्मं करेमाणे सव्वट्ठाणेसु सव्वभूमियासु अंतेउरे य दिण्णवियारे जाते यावि होत्था, तते णं से बहस्सतिदत्ते पुरोहिते उदायणस्स रण्णो अंतेउरं वेलासु य अवेलासु य काले य अकाले य राओ य वियाले य पविसमाणे अण्णया कयाई पउमावतीए देवीए सद्धिं संपलगे यावि होत्था, पउमावतीए देवीए सद्धिं उरालाइं० भुंजमाणे विहरति, इमं च णं उदायणे राया ण्हाए जाव विभूसिते जेणेव पउमावती

देवी तेणेव उवा० ता बहस्सतिदत्तं पुरोहितं पउमावतीए देवीए सद्धिं उरालाइं० भुंजमाणं पासति ता आसुरुत्ते तिवलियं भिउडिं साहददु बहस्सतिदत्तं पुरोहितं पुरिसेहिं गिण्हावेति ता जाव एतेणं विहाणेणं वज्झं आणवेति, एवं खलु गोतमा! बहस्सतिदत्ते पुरोहिते पुरा पोराणाणं जाव विहरति, बहस्सतिदत्ते णं भंते! दारए पुरोहिते इओ कालगते समाणे कहिं गच्छिहिति कहिं उववज्जिहिति?, गोतमा ! बहस्सतिदत्ते णं दारए पुरोहिते चउसद्धिं वासाइं परमाउं पालयित्ता अजेव तिभागावसेसे दिवसे सूलभिण्णे कते समाणे कालमासे कालं किच्चा इमीसे रयणप्पभाए० संसारो तहेवो पुढवी, ततो हत्थिणाउरे णगरे भियत्ताए पच्चायाइस्सति, स णं तत्थ वाउरिएहिं वहिते समाणे तत्थेव हत्थिणाउरे णगरे सेट्टिकुलंसि पुत्तत्ताए० बोही० सोहम्मे० महावि देहे० सिज्झिहिति०। णिक्खेवो ॥२४॥ इति बृहस्पतिदत्ताध्ययनं ५॥

जति णं भंते!० छट्ठस्स उक्खेवो। एवं खलु जंबू! तेणं कालेणं० महरा णगरी भंडरी उज्जाणे सुदरिसणे जक्खे सिरिदामे राया बंधुसिरी भारिया पुत्ते णंदिवद्धणे णामं कुमारे अहीण० जाव जुवराया, तस्स सिरिदामस्स सुबंधू नामं अमच्चे होत्था सामदंड०, तस्स णं सुबंधुस्स अमच्चस्स बहुमित्तापुत्ते णामं दारए होत्था अहीण०, तस्स णं सिरिदामस्स रण्णो चित्ते णामं अलंकारिए होत्था, सिरिदामस्स रण्णो चित्तं बहुविहं अलंकारियकम्मं करेमाणे सव्वट्ठाणेसु सव्वभूमियासु य अंतेउरे य दिण्णवियारे यावि होत्था, तेणं कालेणं० सामी समोसढे परिसा राया य निग्गओ जाव परिसा पडिगया, तेणं कालेणं० समणस्स जेट्ठे जाव रायमग्गं ओगाढे

तहेव हत्थी आसे पुरिसे तेसिं च णं पुरिसाणं मज्झगयं एगं पुरिसं पासति जाव नरनारीसंपरिवुडं, तते णं तं पुरिसं रायपुरिसा चच्चरंसि
 तत्तंसि अओमयंसि समजोडभूयसिंहासणंसि निवेसावेति तथाणंतरं च णं पुरिसाणं मज्झगयं बहूहिं अयोक्लसेहिं तत्तेहिं समजोडभूतेहिं
 अप्पेगइएहिं तंबभरिएहिं अप्पे० तउयभरिएहिं अप्पे० सीसगभरिएहिं अप्पे० कलकलभरिएहिं अप्पे० खारतेल्लभरिएहिं महया महया
 रायाभिसेएणं अभिसिंचंति तथाणंतरं च णं तत्तं अओमयं समजोतिभूयं अओमयं संडासएणं गहाय हारं पिणब्धंति तथाणंतरं च
 णं अब्द्धहारं जाव पट्टं मउडं चिंता तहेव जाव वागरेति, एवं खलु गोतमा! तेणं कालेणं० इहेव जंबुदीवे दीवे भारहे वासे सीहपुरे
 णामं णगरे होत्था रिद्धं, तत्थ णं सीहपुरे णगरे सीहरहे णामं राया होत्था, तस्स णं सीहरहस्स रण्णो दुज्जोहणे नामं चारगपाले
 होत्था अधम्मिए जाव दुप्पडियाणंदे, तस्स णं दुज्जोहणस्स चारगपालस्स इमे एयारूवे चार गभंडे होत्था, तस्स णं दुज्जोहणस्स
 चारगपालस्स बहवे अयकुंडीओ अप्पेगतियाओ तंबभरियाओ अप्पे० तउयभरियाओ अप्पे० सीसगभरियाओ अप्पे० कलकलभरियाओ
 अप्पे० खारतेल्लभरियाओ अगणिकायंसि अदहिया चिट्ठंति, तस्स णं दुज्जोहणस्स चारग० बहवे उट्टियाओ आसमुत्तभरियाओ अप्पे०
 हत्थमुत्तभरियाओ अप्पे० उट्टमुत्तभरियाओ अप्पे० गोमुत्तभरियाओ अप्पे० महिसमुत्तभरियाओ अप्पे० अयमुत्तभरियाओ अप्पे०
 एलमुत्तभरियाओ बहुपडिपुण्णाओ चिट्ठंति, तस्स णं दुज्जोहणस्स चारगपालस्स बहवे हत्थंदुयाण य पायंदुयाण य हडीण य नियलाण
 य संकलाण य पुंजा निगरा य सण्णिक्खत्ता चिट्ठंति, तस्स णं दुज्जोहणस्स चारगपालस्स बहवे वेणुलयाण य वेत्तलयाण य

चिंचा० छियाण य कसाण य वायरासीण य पुंजा णिगरा चिट्ठंति, तस्स णं दुज्जोहणस्स चा० बहवे सिलाण य लउडाण य मुग्गराण य कणंगराण य पुंजा णिगरा चिट्ठंति, तस्स णं दुज्जोहणस्स बहवे तंतीण य वरत्ताण य वागरज्जूण य वालरज्जूण य सुत्तरज्जूण य पुंजा णिगरा य संनिक्खित्ता चिट्ठंति, तस्स णं दुज्जोहणस्स बहवे असिपत्ताण य करपत्ताण य खुरपत्ताण य कलंबचीरपत्ताण य पुंजा णिगरा चिट्ठंति, तस्स णं दुज्जोहणस्स चारग० बहवे लोहखीलाण य कडसक्कराण य चम्पपट्टाण य अन्ताण य पुंजा निगरा चिट्ठंति, तस्स णं दुज्जोहणस्स चारग० बहवे सूईण य डंभणाण य कोट्टिल्लाण य पुंजा णिगरा चिट्ठंति, तस्स णं दुज्जोहणस्स चारग० बहवे सत्थाण य प्पिलाण य कुहाडाण य नहछेयणाण य दब्भाण य पुंजा णिगरा चिट्ठंति, तते णं से दुज्जोहणे चारगपाले सीहरहस्स रण्णो बहवे चोरे य पारदारिए य गंठिभेदे य रायावगारी य अणधारए य बालघाती य वासंभघाती य जूतिकारे य खंडपट्टे य पुरिसेहिं गेण्हावेति त्ता उत्ताणए पाडेति त्ता लोहदंडेणं मुहं विहाडेति त्ता अप्पेगलिए तत्ततंबं पज्जेति अप्पेगलिए तउयं पज्जेति अप्पेगलिए सीसगं पज्जेति अप्पे० कलकलं प० अप्पे खारतेल्लं प० अप्पेगतियाणं तेणं चेव अभिसेगं करेति अप्पे० उत्ताणे पाडेति त्ता आसमुत्तं पज्जेति अप्पे० हत्थिमुत्तं पज्जेति जाव एलमुत्तं पज्जेति अप्पे० हेट्टामुहे पाडेति छलछलस्स वमावेति त्ता अप्पेगतियाणं तेणं चेव ओवीलं दलयति अप्पे० हत्थंदुयाहिं बंधावेइ अप्पे० पायंदुयाहिं अप्पे० हडिबंधणं करेति अप्पे० नियलबंधणं करेति अप्पे० संकोडियमोडियए करेति अप्पे० संकलबंधणे करेति अप्पे० हत्थछिण्णए करेति जाव सत्थोवाडिए

करेति अप्पे० वेणुलयाहि य जाव वायरासीहि य (प्र० पहरणातिहि य) हणावेति अप्पे० उत्ताणए कारवेति उरे सिलं दलावेति
 ता लउलं छुभावेति ता पुरिसेहि उक्कंपावेति अप्पे० तंतीहि य जाव सुत्तरज्जूहि य हत्थेसु य पादेसु य बंधावेति अगडंसि उच्चूलं
 बोलगं पजेति अप्पे० असिपत्तेहि य जाव कलंबचीरपत्तेहि य पच्छावेति खारतेल्लेणं अब्भिंगावेति अप्पेगतियाणं णिडालेसु य
 अवडूसु य कोप्परेसु य जाणूसु य खलुएसु य लोहकीलए य कडसक्कराओ य दवावेति अलिए भंजावेति अप्पेगतियाणं सूईओ
 य दंभणाणि य हत्थंगुलियासु पायंगुलियासु य कोट्टिल्लएहिं आओडावेति ता भूमिं कंडूयावेति अप्पे० सत्थएहि य जाव नहच्छेदणएहि
 य अंगं पच्छावेइ दब्भेहि य कुसेहि य उल्लचम्मे(वद्धे)हि य वेढावेति आयवंसि दलयति ता सुक्खे समाणे चडचडस्स उप्पाडेति,
 तते णं से दुज्जोहणे चार० एयकम्मे० सुबहुं पावं समज्जिणित्ता एगतीसं वाससताइं परमाउं पालयित्ता कालमासे कालं किच्चा
 छट्ठीए पुढवीए उक्कोसेणं बावीससागरोवमट्ठितीएसु नेरइएसु नेरइयत्ताए उववण्णे १२५१ से णं ततो अणंतरं उव्वट्ठित्ता इहेव महराए
 णयरीए सिरिदामस्स रत्तो बंधुसिरीए देवीए कुच्छंसि पुमत्ताए उववण्णे, तते णं बंधुसिरी नवण्हं मासाणं बहुपडिपुण्णाणं जाव
 दारगं पयाया, तते णं तस्स दारगस्स अम्मापितरो णिव्वत्ते बारसाहे इमं एयारूवं णामधेज्जं करेतिहोउ णं अम्हं दारगे णंदिसेणे
 नामेणं, तते णं से णंदिसेणे कु० पंचधातीपरिवुडे जाव परिवड्ढति, तते णं से णंदिसेणे कुमारे उम्मुक्कबालभावे जाव विहरति
 जाव जुवराया जाते यावि होत्था, तते णं से णंदिसेणे कुमारे रज्जे य जाव अंतेउरे य मुच्छिते इच्छति सिरिदामं रायं जीविताओ

ववरोवित्तए सयमेव रज्जसिरिं कारेमाणे पालेमाणे विहरित्तए, तते णं से णंदिसेणे कुमारे सिरिदामस्स रण्णो बहूणि अंतराणि य छिद्दाणि य विरहा(वरा)णि य पडिजागरमाणे विहरति, तते णं से णंदिसेणे कुमारे सिरिदामस्स रण्णो अंतरं० अलभमाणे अण्णया कयाई चित्तं अलंकारियं सदावेति ता एवं व०-तुमं णं देवाणु० सिरिदामस्स रण्णो सव्वट्ठाणेसु सव्वभूमिसु अंतेउरे य दिण्णवियारे सिरिदामस्स रण्णो अभिक्खणं अलंकारियं कम्मं करेमाणे विहरसि, तण्णं तुमं देवाणुप्पिया! सिरिदामस्स रण्णो अलंकारियं कम्मं करेमाणे गीवाए खुरं निवेसेहि तण्णं अहं तुमं अब्बरज्जियं करिस्सामि तुमं अहेहिं सद्धिं उरालाइं भोगभोगाइं भुंजमाणे विहरिस्ससि, तते णं से चित्ते अलंकारिए णंदिसेणस्स कुमारस्स वयणं एयमट्ठं पडिसुणेति, तते णं तस्स चित्तस्स अलंकारियस्स इमे एयारूवे जाव समुप्पज्जित्थाजति णं ममं सिरिदामे राया एयमट्ठं आगमेति तते णं ममं ण णज्जति केणई असुभेणं कुमारेणं मारिस्सतित्तिकटट्ठ भीए जेणेव सिरिदामे राया तेणेव उवा० ता सिरिदामं रायं रहस्सियं करयल० जाव एवं व०-एवं खलु सामी! णंदिसेणे कुमारे रज्जे जाव मुच्छिते इच्छति तुब्भे जीविताओ ववरोवेत्ता सयमेव रज्जसिरिं कारेमाणे पालेमाणे विहरित्तए, तते णं से सिरिदामे राया चित्तस्स अलंकारियस्स अंतिए एयमट्ठं सोच्चा निसम्म आसुरुत्ते जाव साहटट्ठ णंदिसेणं कुमारं पुरिसेहिं सद्धिं गेणहावेति ता एएणं विहाणेणं वज्झं आणवेति, तं एवं खलु गोतमा! णंदिसेणे पुत्ते जाव विहरति, णंदिसेणे कुमारे इओ चुते कालमासे कालं किच्चा कहिं गच्छिहिति कहिं उववज्जिहिति?, गोतमा! णंदिसेणे कुमारे सद्धिं वासाइं परमाउं पालयित्ता कालमासे कालं किच्चा इमीसे

रयणप्पभाए पुढवीए संसारो तहेव ततो हत्थिणाउरे णगरे मच्छत्ताए उववण्णे, से णं तत्थ मच्छिएहिं वहिते समाणे तत्थेव सिद्धिकुले० बोही० सोहम्मे महाविदेहे० सिज्झिहिति०, एवं खलु जम्बू! णिक्खेवो छट्ठस्स अज्झयणस्स अयमट्ठे पण्णत्तेत्तिबेमि ॥२६॥ इति नन्दिसेणज्झयणं ६॥

जति णं भंते!० उक्खेवो सत्तमस्स, एवं खलु जम्बू ! तेणं कालेणं० पाडलिसंडे णगरे वणसंडे नामं उज्जाणे उंबरदत्तो जक्खो, तत्थ णं पाडलिसंडे णगरे सिद्धत्थे राया, तत्थ णं पाडलिसंडे सागरदत्ते सत्थवाहे होत्था अड्ढे०, गंगदत्ता भारिया, तस्स णं सागरदत्तस्स पुत्ते गंगदत्ताए भारियाए अत्तए उंबरदत्ते नामं दारए होत्था अहीण०, तेण कालेणं० (प्र० समणस्स भगवओ) समोसरणं जाव परिसा पडिगता, तेणं कालेणं० भगवं गोतमे तहेव जेणेव पाडलिसंडे णगरे तेणेव उवा० पाडलिसंडं णगरं पुरच्छिमिल्लेणं दारेणं अणुप्पविसति तत्थ णं पासति एगं पुरिसं कच्छुल्लं कोढियं दओयरियं भगंदरियं अरिसिल्लं कासिल्लं (प्र० घासिल्लं) सोसिल्लं सासि(सोगि)ल्लं सूयमुहं सूयहत्थं सूयपायं सडियहत्थंगुलियं सडियपायंगुलियं सडितकण्णनासियं रसियाए य पूएण य थिविथिवित्तं वणमुहकिमिउत्तुयंतपगलंतपूयरुहिरं लालापगलंतकण्णणासं अभिक्खणं २ पूयकवले य रुहिरकवले य किमियकवले य वममाणं कट्ठाइं कलुणाइं वीसराइं कूवमाणं मच्छियाचडगरपहगरेणं अण्णिज्जमाणामगं फुट्टहडाहडसीसं दंडिखंडनिवसणं खंडमल्लखंडघडहत्थगयं गेहे २ देहंबलियाए वित्तिं कप्पेमाणं पासति त्ता तदा भगवं० भत्तपाणं आलोएति भत्तपाणं पडिदंसेति त्ता समणेणं० अब्भणुण्णाते

जाव बिलमिव पन्नगभूतेणं अप्पाणेणं आहारमाहारेइ संजमेणं तवसा अप्पाणं भावेमाणे विहरति, तते णं से भगवं गोतमे दोच्चंमि छट्ठक्खमणपारणगंसि पढमाए पोरिसीए जाव पाडलिसंडं णगरं दाहिणिल्लेणं दुवारेणं अणुप्पविसति तं चेव पुरिसं पासति कच्छुल्लं तहेव जाव संजमे० विहरति, तते णं से गोतमे तच्चंमि छट्ठ० तहेव जाव पच्चत्थिमिल्लेणं दुवारेणं अणुपविसमाणे तं चेव पुरिसं कच्छु० पासति चोत्थछट्ठ० उत्तरेणं० इमे अज्झत्थिए० समुप्पण्णेअहो णं इमे पुरिसे पुरा पोराणाणं जाव एवं व० एवं खलु अहं भंते छट्ठस्स पारणयंसि जाव रियंते जेणेव पाडलिसंडे तेणेव उवा० ता पाडलि० पुरच्छिमिल्लेणं दारेणमणुप्पविट्ठे तत्थ णं एगं पुरिसं पासामि कच्छुल्लं जाव कप्पेमाणं तं अहं दोच्चंमि छट्ठ० पारणगंसि दाहिणिल्ले दारे तहेव तच्चंमि छट्ठ० पच्चत्थिमेण तहेव तं अहं चउत्थे छट्ठ० पारणे उत्तरदारेण अणुपविसामि तं चेव पुरिसं पासामि कच्छुल्लं जाव वित्तिं कप्पेमाणे विहरति, चिंता ममं पुव्वभवपुच्छा वागरेति एवं खलु गोतमा! तेणं कालेणं० इहेव जंबुद्वीवे दीवे भारहे वासे विजयपुरे णामं णगरे होत्था रिद्ध०, तत्थ णं विजयपुरे णगरे कणगरहे णामं राया होत्था०, तस्स णं कणगरहस्स रण्णो धण्णंतरी णामं वेज्जे होत्था अट्ठंगाउव्वेदपाढए तं०-कोमारभिच्चं सलागे (प्र० सालगे) सल्लहत्ते कायतिगिच्छा जंगोले भूयवेज्जे रसायणे वाजीकरणे सिवहत्थे सुहहत्थे लहुहत्थे, तते णं से धण्णंतरी वेज्जे विजयपुरे णगरे कणगरहस्स रण्णो अंतेउरे य अण्णेसिं च बहूणं राईसर० जाव सत्थवाहाणं अण्णेसिं च बहूणं दुब्बलाण य गिलाणाण य वाहियाण य रोगियाण य सणाहाण य अणाहाण य समणाण य माहणाण य भिक्खवागाण

य करोडियाण य कप्पडियाण य आउराण य अप्पेगतियाणं मच्छमंसाइं उवदिसति अप्पे० कच्छभमं० अप्पे० गाहमं० अप्पे०
 मगरमं० अप्पे० सुंसुमारमं० अप्पे० अयमंसाइं एवं एलरोज्झसूयरभिगससयगोमहिसमंसाइं अप्पे० तित्तिरमंसाइं अप्पे० वट्ट०
 कलावक० कवोत० कुक्कुडमयूर० अण्णेसिं च बहूणं जलयरथलयरखहयरमादीणं मंसाइं उवदंसेति अप्पणावि य णं से धण्णंतरी
 वेज्जे तेहिं बहूहिं मच्छमंसेहि य जाव मयूरमंसेहि य० अण्णेहिं बहूहि य जलयरथलयरखहयरमंसेहि य मच्छरसेहि य जाव मयूररसेहि
 य सोल्लेहिंतलिएहिं भज्जिएहि य सुरं च० आसाएमाणे० विहरति, तते णं से धण्णंतरी वेज्जे एयकम्मे सुबहुं पावकम्मं समज्जिणित्ता
 बत्तीसं वाससताइं परमाउं पालयित्ता कालमासे कालं किच्चा छट्ठीए पुढवीए उक्कोसेणं बावीससागरोवम० उववण्णे, तते णं सा
 गंगदत्ता भारिया जाव णिंदुया यावि होत्था जाता २ दारगा विणिघायमावज्जंति, तते णं तीसं गंगदत्ताए सत्थवाहीए अण्णया कयाई
 पुव्वरत्तावरत्त०कुटुंबजागरियं जागरमाणीए अयमेयारूवे अज्झत्थिए० समुप्पण्णेएवं खलु अहं सागरदत्तेणं सत्थवाहेणं सद्धिं बहूइं
 वास्साइं उरालाइं माणुस्सगाइं भोगभोगाइं भुंजमाणी विहरामि णो चेव णं अहं दारगं वा दारियं वा पयामि तं धण्णाओ णं ताओ
 अम्मयाओ सपुण्णाओ कयत्थाओ कयलक्खणाओ सुलद्धे णं तासिं अम्मयाणं माणुस्साए जम्मजीवियफले जासिं मण्णे
 नियगकुच्छिसंभूयाइं थणदुद्धलुद्धगाइं महुरसमुल्लावगाइं मम्मणपयंपियाइं थणमूलकक्खदेसभागं अभिसरमाणगाइं पुणो य
 कोमलकमलोवमेहिं हत्थेहिं गेण्हऊणं उच्छंगनिवेसियाइं दिंति समुल्लावए सुमहुरे पुणो २ मंजुलप्पभणिते अहं णं अधण्णा अपुण्णा

अकयपुण्णा एतो एगमवि न पत्ता तं सेयं खलु ममं कल्ले जाव जलंते सागरदत्तं सत्थवाहं आपुच्छित्ता सुबहुं पुप्फवत्थगंधमल्लालंकारं गहाय बहूहिं मित्तणातिणियगसयणसंबंधिपरि जणमहिलाहिं सद्धिं पाडलिसंडाओ णगराओ पडिणिक्खमित्ता बहिया जेणेव उंबरदत्तस्स जक्खस्स जक्खायतणे तेणेव उवागच्छित्ता तत्थ णं उंबरदत्तस्स जक्खस्स महरिहं पुप्फच्चणं करेत्ता जाणुपादपडियाए उवाइणित्तए जति णं अहं देवाणुप्पिया! दारगं वा दारियं वा पयामि तो णं अहं तुब्भं जायं च दायं च भायं च अक्खयणिहिं च अणुवड्ढेस्सामित्तिकदट्ठ ओवाइयं उवाइणित्तए एवं संपेहेति त्ता कल्लं जाव जलंते जेणेव सागरदत्ते सत्थवाहे तेणेव उवागच्छति त्ता सागरदत्तं सत्थवाहं एवं व०-एवं खलु अहं देवाणु०! तुब्भेहिं सद्धिं जाव न पत्ता तं इच्छामि णं देवाणु०! तुब्भेहिं अब्भणुण्णात्ता जाव उवाइणित्तए, तते णं से सागरदत्ते गंगदत्तं भारियं एवं व०-ममंपि य णं देवाणुप्पिए! एसच्चेव मणोरहेकहं णं तुमं दारगं वा दारियं वा पयाएज्जसि?, गंगदत्तं भारियं एयमट्ठं अणुजाणति, तते णं सा गंगदत्ता भारिया सागरदत्तसत्थवाहेणं एतमट्ठं अब्भणुण्णात्ता समाणी सुबहुं पुप्फ० जाव महिलाहिं सद्धिं सातो गिहातो पडिणिक्खमति त्ता पाडलिसंडं णगरं मज्झंमज्जेणं निगच्छइ त्ता जेणेव पुक्खरिणीतीरे तेणेव उवागच्छति त्ता पुक्खरिणीए तीरे सुबहुं पुप्फवत्थगंधमल्लालंकारं उवणेति त्ता पुक्खरिणीं ओगाहेति त्ता जलमज्जणं करेति त्ता जलकिड्डं करेमाणी णहाया कयकोउयमंगलपायच्छित्ता उल्लंगपडसाडिया पुक्खरिणीओ पच्चुत्तरति त्ता तं पुप्फ० गेणहति त्ता जेणेव उंबरदत्तस्सजक्खस्स जक्खायतणे तेणेव उवा० त्ता उंबरदत्तस्स जक्खस्स आलोए पणामं करेति

त्ता लोमहत्थं परामुसति ता उंबरदत्तं जक्खं लोमहत्थएणं पमज्जति ता दगधाराए अब्भुक्खेति ता पमहलं गायलट्ठीओ लूहेति
 ता सेयाइं वत्थाइं परिहेति महरिहं पुप्फारुहणं वत्थारुहणं गंधारुहणं चुण्णारुहणं करेति ता धूवं डहति जाणुपायपडिया एवं व०-
 जति णं अहं देवाणु० ! दारगं वा दारिगं वा पयामि तो णं जाव उवाइणति जामेव दिसं पाउब्भूता तामेव दिसं पडिगता, तते
 णं से धण्णंतरी वेजे तातो णरगाओ अणंतं उव्वट्ठिता इहेव पाडलिसंडे णगरे गंगदत्ताए भारियाए कुच्छिसि पुत्तत्ताए उववण्णे,
 तते णं तीसे गंगदत्ताए भारियाए तिण्हं मासाणं बहुपडिपुण्णाणं अयमेयारूवे डोहले पाउब्भूतेधण्णाओ णं ताओ जाव फले जाओ
 णं विउलं असणं० उवक्खडावेति ता बहूहिं मित्त जाव परिवुडाओ तं विउलं असणं० सुरं च० पुप्फजाव गहायपाडलिसंडं नगरं
 मज्झंमज्झेणं पडिनि० जेणेव पुक्खरिणी तेणेव उवा० ता पुक्खरिणीं ओगाहंति णहाया जाव पायच्छित्ताओ तं विउलं असणं०
 बहूहिं मित्तनातिजाव सद्धिं आसादेति दोहलं विणएति एवं संपेहेति ता कल्लं जावजलंते जेणेव सागरदत्ते सत्थवाहे तेणेव उवा०
 सागरदत्तं सत्थवाहं एवं व०-धन्नाओ णं ताओ जाव विणेति तं इच्छामि णं जाव विणित्तए, तते णं से सागरदत्ते सत्थवाहे गंगदत्ताए
 भारियाए एयमट्ठं अणुजाणति, तते णं सा गंगदत्ता सागरदत्तेणं सत्थवाहेणं अब्भणुण्णाया समाणी विउलं असणं० उवक्खडावेति
 तं विउलं असणं० सुरं च० सुबहुं पुप्फ० परिगेण्हावेति बहूहिं जाव णहाया कय जेणेव उंबरदत्तस्स जक्खाययणे जाव धूवं डहति
 ता जेणेव पुक्खरिणीतेणेव उवागच्छति, तते णं ताओ मित्त० जाव महिलाओ गंगदत्तं सत्थ० सब्वालंकारविभूसियं करेति, तते

णं सा गंगदत्ता भारिया ताहिं भित्त० अण्णाहि य बहूहिं णगरमहिलाहिं सद्धिं तं विउलं असणं० सुरं च० आसाएमाणी० दोहलं विणेति ता जामेव दिसं पाउब्भूता तामेव दिसं पडिगता, तते णं सा गंगदत्ता भारिया पसत्थ(पुण्ण)दोहला तं गब्भं सुहंसुहेणं परिवहति, तते णं सा गंगदत्ता भारिया णवणं मासाणं जाव पयाया ठिइ० जाव जम्हा णं अमं इमे दारए उंबरदत्तस्स जक्खस्स उवाइयलद्धए तं होउ णं दारए उंबरदत्ते नामेणं, तते णं से उंबरदत्ते दारए पंचधातीपरिगगहिते परिवड्ढति, तते णं से सागरदत्ते सत्थवाहे जहा विजयमित्ते जाव कालमासे कालं किच्चा० गंगदत्तावि, उंबरदत्ते निच्छूढे जहा उज्झियए, तते णं तस्स उंबरदत्तस्स दारयस्स अण्णया कयाई सरीरगंसि जमगसमगमेव सोलस रोगायंका पाउब्भूया तं०-सासे खासे जाव कोढे, तते णं से उंबरदत्ते दारए सोलसहिं रोगायंकेहिं अभिभूते समाणे सडियहत्ये० जाव विहरति, एवं खलु गोतमा! उंबरदत्ते दारए पुरा जाव पच्चणुब्भवमाणे विहरति, तते णं से उंबरदत्ते दारए कालमासे कालं किच्चा कहिं गच्छिहिति कहिं उववज्जिहिति?, गोतमा! उंबरदत्ते दारए बावत्तरि वासाइं परमाउं पालयित्ता कालमासे कालं किच्चा इमीसे रयणप्पभाए पुढवीए णेरइयत्ताए उववण्णे संसारो तहेव जाव पुढवी, ततो० हत्थिणाउरे णगरे कुक्कुडत्ताए पच्चायाहिति (प्र०जायमेत्ते चेव) गोड्डिल्लवहिते तहेव हत्थिणाउरे सेट्ठी नगरे बोही सोहम्मे महाविदेहे सिज्झिहिति०। णिक्खेवो ॥२७॥ इति उम्बरदत्ताध्ययनं ७॥

जति णं भंते!० अट्टमस्स उक्खेवो। एवं खलु जंबू! तेणं कालेणं० सोरियपुरं णगरं सोरियवडिंसगं उज्जाणं सोरियो जक्खो

सोरियदत्तो राया, तस्स णं सोरियपुरस्स णगरस्स बहिया उत्तरपुरच्छिमे दिसीभाए एत्थ णं एगे मच्छंधपाडए होत्था, तत्थ णं समुद्दत्ते नामं मच्छंधे परिवसति अहम्मिए जाव दुप्पडियाणंदे, तस्स णं समुद्दत्तस्स समुद्दत्ता नामं भारिया होत्था अहीणं, तस्स णं समुद्दत्तस्स मच्छंधस्स पुत्ते समुद्दत्ताए भारियाए अत्तए सोरियदत्ते नामं दारए होत्था अहीणं, तेणं कालेणं सामी समोसढे जाव पडिगया, तेणं कालेणं जेट्ठे सिस्से जाव सोरियपुरे णगरे उच्चनीयं अहापज्जत्तं समुदाणं गहाय सोरियपुराओ णगराओ पडिनिक्खमति तस्स मच्छंधपाडगस्स अदूरसामंतेणं वीईवयमाणे महतिमहालियाए मणुस्सपरिसाए मज्झगयं पासइ एगं पुरिसं सुक्खं भुक्खं णिम्मंसं अट्टिचम्मावणद्धं किडिकिडियाभूयं णीलसाडगनियत्थं मच्छकंटएण गलए अणुलग्गेणं कट्ठाइं कलुणाइं विसराइं उक्कूवेमाणं अबिक्खणं २ पूयकवले य रुहिरकवलेय किमिकवले य वममाणं पासति इमे अज्झत्थिए पुरा जाव विहरति एवं संपेहेति ता जेणेव समणे भगवं जाव पुव्वभवपुच्छा जाव वागरणं, एवं खलु गोतमा! तेणं कालेणं इहेव जंबूदीवे दीवे भारहे वासे णंदिपुरे णामं णगरे होत्था, मित्ते राया, तस्स णं मित्तस्स रन्नो सिरिए नामं महाणसिए होत्था अहम्मिए जाव दुप्पडियाणंदे, तस्स णं सिरियस्स महाणसियस्स बहवे मच्छिया य वागुरिया य साउणिया य दिण्णभतिं कल्लाकल्लिं बहवे सण्हमच्छा य जाव पडागातिपडागे य अए य जाव महिसे य तित्तिरे य जाव मयूरे य जीविताओ ववरोवेति ता सिरियस्स महाणसियस्स उवणेति अण्णे य से बहवे तित्तिरा य जाव मयूरा य पंजरंसि संनिरुद्धा चिट्ठंति अण्णे य बहवे पुरिसा दिण्णभतिं ते बहवे तित्तिरे य

जाव मयूरे य (प्र० जीवंतए) चेव निष्पंखेति सिरियस्स महाणसियस्स उवणेति, तते णं से सिरिए महाणसिए बहूणं जलयरथलयरखहयराणं मंसाइं कप्पणीकप्पियाइं करेति तं०-सण्हखंडियाणि य वट्ट०दीह०रहस्स०हिमपक्काणि य जम्भघम्म(वेग)मारुयपक्काणि य कालाणि य हेरंगाणि य महिट्ठाणि य आमलरसियाणि य मुहिया०कविट्ठ०दालिमरसियाणि० मच्छरसि० तलियाणि य भज्जियाणि य सोल्लियाणि य उवक्खडावेति अण्णे य बहवे मच्छरसए य एणेजरसए य तित्तिर० जाव मयूररसए य अण्णं विउलं हरियसागं उवक्खडावेति ता भित्तस्स रण्णो भोयणमंडवंसि भोयणवेलाए उवणेइ अप्पणावि य णं से सिरिए महाणसिए तेसिं च बहूहिं जाव ज० थ० ख० मंसेहिं रसएहि य हरियसागेहि य सोल्लेहि य तलेहि य भज्जेहि य सुरं च० आसादे० विहरति, तते णं से सिरिए महाणसिए एयकम्मे सुबहुं जाव समज्जिणित्ता तेत्तीसं वाससयाइं परमाउं पालयित्ता कालमासे कालं किच्चा छट्ठीए पुढवीए उववण्णे, तते णं सा समुद्धत्ता भारिया निंदुया यावि होत्था, जाया २ दारगा विणिघायमावज्जंति, जहा गंगदत्ताए चिंता आपुच्छणा उवातियं दोहलो जाव दारगं पयाता जाव जम्हा णं अम्हं इमे दारए सोरियस्स जक्खस्स उवाइयलद्धए तम्हा णं होउ अम्हं दारए सोरियदत्ते णामेणं, ते णं से सोरियदत्ते दारए पंचधाई० जाव उम्मुक्कबालभावे विण्णायपरिणयमेत्ते जोव्वण० होत्था, तते णं से समुद्धत्ते अण्णया कयाई कालधम्मणा संजुत्ते, तते णं से सोरियदत्ते दारए बहूहिं भित्त० रोयमाणे समुद्धत्तस्स णीहरणं करेति ता लोइयाइं मयकिच्चाइं करेति अण्णया कयाई सयमेव मच्छंधमहत्तरगतं

उवसंपज्जित्ताणं विहरति, तते णं से सोरिए दारए मच्छंधे जाते अधम्मिए दुप्पडियाणंदे, तते णं तस्स सोरियमच्छंधस्स बहवे पुरिसा दिण्णभत्ति० कल्लाकल्लिं एगट्टियाहिं जउणं महाणदिं ओगाहिति त्ता बहूहि य दहगल्लणेहि य दहमल्लणेहि य दहमद्वणेहि य दहमहणेहि य दहवहणेहि य दहपवाहणेहि य अयंपुलेहि य पयंपुलेहि य जंभाहि य तिसराहि य भिसराहि य घिसराहि य विसराहि य हिल्लीरीहि य झिल्लीरीहि य लल्लिरीहि य जालेहिय गलेहि य कूडपासेहि य वक्कबंधेहि य सुत्तबंधेहि य वालबंधेहि य बहवे सण्हमच्छे य जाव पडागातिपडागे य गेण्हंति त्ता एगट्टियाउ भरेति त्ता कूलं गाहेंतित्ता मच्छखलए करेति आयवंसि दलयति अप्पणाऽविय णं से सोरिये मच्छंधए कल्लाकल्लिं एगट्टिताए जउणं महाणदिं ओगाहेति त्ता सरिसवच्छिदपमाणमेत्तेणं जालेणं बहवे सण्हमच्छे य जाव गेण्हति एगट्टियं भरेति कूलंगाहेति त्ता मच्छखलए करेति आयवंसि दलयति, अण्णे य से बहवे पुरिसा दिण्णभइभत्त० आयवतत्तएहिं मच्छेहिं सोल्लिएहि य तल्लिएहिं भज्जितेहि य रायमग्गंसि वित्तिं कप्पेमाणा विहरंति, अप्पणाविय से सोरियदत्ते बहूहिं सण्हमच्छेहिं जाव पडागा० सोल्लिएहि य त० भ० सुरं च० आसादे० विहरति, तते णं तस्स सोरियदत्तस्स मच्छंधस्स अण्णया कयाई ते मच्छ० सोल्ले य तलि० भज्जि० आहारेमाणस्स मच्छकंटए गलए लग्गे यावि होत्था, तते णं से सोरिय० महईए वेयणाए अभिभूते समाणे कोडुंबियपुरिसे सद्दावेति त्ता एवं व०-गच्छह णं तुब्भे देवा०! सोरियपुरे णगरे सिंघाडगजावपहेसु महया सद्देणं उग्घोसेमाणा २ एवं वयह एवं खलु देवा०! सोरियस्स मच्छकंटए गले लग्गे तं जो णं इच्छति वेज्जो वा० सोरियमच्छियस्स मच्छकंटयं गलाओ

नीहरित्तए० तस्स णं सोरिए विउलं अत्थसंपयाणं दलयति, तते णं ते कोडुंबियपुरिसा जाव उग्घोसंति, तए णं ते बहवे वेज्जा य० इमं एयारूवं उग्घोसणं उग्घोसिज्जमाणं निसामंति ता जेणेव सोरियगिहे जेणेव सोरिए मच्छंधे तेणेव उवा० ता बहूहिं उप्पत्तियाहि य० बुद्धीहिं परिणामेमाणा वमणेहिं य छड्डणेहिं य ओवीलणेहिं य कवलग्गाहेहिं य सल्लुद्धरणेहिं य विसल्लकरणेहिं य इच्छंति सोरियमच्छंधस्स मच्छकंटगं गलाओ नीहरित्तए० नो चेव णं संचाएंति नीहरित्तए वा विसोहित्तए वा, तते णं ते बहवे वेज्जा य० जाहे नो संचाएंति सोरियस्स मच्छकंटगं गलाओ नीहरित्तए वा विसोहित्तए वा ताहे संता जाव जामेव दिसं पाउम्भूता तामेव दिसं पडिगता, तते णं से सोरिए मच्छंधे वेज्जपडियारनिव्विण्णे तेणं दुक्खेणं महया अभिभूते सुक्के जाव विहरति, एवं खलु गोतमा! सोरियदत्ते पुरा पोराणाणं जाव विहरति, सोरिए णं भंते! मच्छंधे इओ कालमासे कालं किच्चा कहिं गच्छिहिति कहिं उववज्जिहिति?, गोतमा!० सत्तरिं वांसाइं परमाउं पालयित्ता कालमासे कालं किच्चा इमीसे रयणप्पभाए संसारो तहेव जाव पुढवी ततो हत्थिणाउरे मच्छत्ताए उववज्जिहिति, से णं ततो मच्छिणहिं जीवियाओ ववरोविते तत्थेव सिट्ठिकुलंसि बोही सोहम्मे महाविदेहे वासे सिज्झिहिति०। निक्खेवो १२८॥ इति शौरिकदत्ताध्ययनं ८॥

जति णं भंते!० उक्खेवो णवमस्स। एवं खलु जम्बू! तेणं कालेणं० रोहीडए नामं णगरे होत्था रिद्ध०, पुढवीवडंसए उज्जाणे धरणे जक्खे वेसमणदत्ते राया सिरी देवी पूसणंदी कुमारे जुवराया, तत्थ णं रोहीडए णगरे दत्ते णामं गाहावती परिवसति अड्ढे०

कण्हसिरी भारिया तस्स णं दत्तस्स धूया कण्हसिरीए अत्तया देवदत्ता नामं दारिया होत्था अहीण० जाव उक्किट्टसरीरा, तेणं कालेणं० सामी समोसढे जाव परिसा निग्गता, तेणं कालेणं० जेट्ठे अंतेवासी छट्ठक्खमण० तहेव जाव रायमग्गं ओगाढे हत्थी आसे पुरिसे पासति तेसिं पुरिसाणं मज्झगयं पासति एगं इत्थियं अवओडगबंधणं उक्कित्तक० जाव सूले भिज्जमाणं पासति, इमे अज्झत्थिए तहेव णिग्गते जाव एवं व०-एसा णं भंते! इत्थिया पुव्वभवे का आसी?, एवं खलु गोयमा! तेणं कालेणं० इहेव जंबुद्दीवे दीवे भारहे वासे सुपत्तिट्ठे णामं णगरे होत्था रिद्ध० मजासेणे रायातस्स णं महासेणस्स धारिणीपामुक्खं देवीसहस्सं ओराधे यावि होत्था, तस्स णं महासेणस्स पुत्ते धारिणीए देवीए अत्तए सीहसेणे णामं कुमारे होत्था अहीण० जुवराया, तते णं तस्स सीहसेणस्स कुमारस्स अम्मापित्तरो अण्णया कयाई पंच पासायवडंसगसयाइं करेति अब्भुग्गत० तते णं तस्स सीहसेणस्स कुमारस्स अण्णया कयाई सामापामोक्खाणं पंचण्हं रायवरकण्णगसयाणं एगदिवसेणं पाणिं गेण्हावेसु पंचसयओ दाओ, तते णं से सीहसेणे कुमारे सामापामोक्खेहिं पंचहिं देवीसतेहिं सद्धि उप्पि० जाव विहरति, तते णं से महासेणे राया अण्णया कयाई कालधम्मणा संजुत्ते, नीहरणं, राया जाते महया०, तते णं से सीहसेणे राया सामाए देवीए मुच्छीते अवसेसाओ देवीओ णो आढाति णो परिजाणाति अणाढायमाणे अपरिजाणमाणे विहरति, तते णं तासिं एगूणगाणं पंचण्हं देवीसयाणं एकूणाइं पंच भाईसयाइं इमीसे कहाए लब्धट्ठाइं सवणयाए एवं खलु सीहसेणे राया सामाए देवीए मुच्छीते अहं धूयाओ नो आढाति नो परिजाणाति अणा० विहरति, तं सेयं

खलु अहं सामं देविं अग्निष्पओगेण वा विसप्प० सत्थप्प० जीवियाओ ववरोवित्तए, एवं संपेहेति सामाए देवीए अंतराणि य
छिद्दाणि य विवराणि य पडिजागरमाणीओ विहरंति, तते णं सा सामा देवी इमीसे कहाए लब्धट्ठा सवणयाए एवं व०-एवं खलु
ममं पंचणहं सवत्तीसयाणं पंच माईसयाइं इमीसे कहाए लब्धट्ठाइं समाणाइं अण्णमण्णं एवं व०-एवं खलु सीहसेणे जाव
पडिजागरमाणीओ विहरंति, तं न नज्जति णं ममं केणति कुमरणेणं मारिस्संतित्तिकटट्ठु भीया जेणेव कोवधरे तेणेव उवा० ओहय०
जाव झियाति, तते णं से सीहसेणे राया इमीसे कहाए लब्धट्ठे समाणे जेणेव कोवधरे जेणेव सामा देवी तेणेव उवा० ता सामं
देविं ओहय० पासति ता एवं व०-किण्णं देवा०! ओहय० जाव झियासि ?, तते णं सा सामा देवी सीहसेणेण रण्णा एवं वुत्ता
समाणा उप्फणउप्फणियं सीहसेणं रायं एवं व०-एवं खलु सामी! ममं एक्कणपंच सवत्तीसयाणं एक्कणपंच माईसयाइं इ०क०ल०स०
अण्णमण्णं सद्दावेति ता एवं व०-एवं खलु सी० रा० सा० दे० मु० अम्हाणं धूयाओ णो आढा० जाव अंतराणि पडि० विहरंति,
तं ण णज्जति० भीया जाव झियामि, तते णं से सीहसेणे राया सामं देविं एवं व०-मा णं तुमं देवा० ! ओहत० जाव झियाहि
अहं णं तहा घत्तिहामि जहा णं तव नत्थि कत्तोवि सरीरस्स आबाहे वा पबाहे वा भविस्सतित्तिकटट्ठु ताहिं इट्ठाहिं० समासासेति
ततो पडिनिक्खमति ता कोडुंबियपुरिसे सद्दावेति ता एवं व० गच्छह णं तुब्भे देवाणु० ! सुपइट्ठस्स नगरस्स बहिया एगं महं
कूडागारसालं करेह अणेगखंभ० पासा० एयमट्ठं पच्च०, तते णं ते कोडुंबियपुरिसा करतल० जाव पडि० ता सुपइट्ठियनगरस्स

बहिया पच्चत्थिमे दिसीभागे एगं महं कूडागारसालं जाव करेति अणेग० पासा० जेमेव सीह० राया तेणेव उवा० ता तमाणत्तिं पच्च०, तते णं से सीहसेणे राया अण्णया कयाई एगूणगाणं पंचण्हं देवीसयाणं एगूणाइं पंच माइसयाइं आमंतेति, तते णं तासिं एगूणगाणं पंचण्हं देवीसयाणं एगूणाइं पंच माइसयाइं सीहसेणेणं रण्णा आमंतियाइं समाणाइं सव्वालंकारविभूसिताइं जहाविभवेणं जेणेव सुपइठ्ठे णगरे जेणेव सीह० राया तेणेव उवागच्छंति, तते णं से सीहसेणे राया एगूणगाणं पंचदेवीसयाणं एगूणगाणं पंचमाइसयाणं कूडागारसालं आवसहं दलयति, तते णं से सीहसेणे राया कोडुंबियपुरिसे सदावेति ता एवं व०-गच्छह णं तुब्भे देवा० विउलं असणं० उवणेह, सुबहं पुप्फवत्थगंधमल्लालंकारं च कूडागारसालं साहरह, तते णं ते कोडुंबिया तहेव जाव साहरंति, तते णं तासिं एगूणगाणं पंचण्हं देवीसयाणं एगूणाइं पंच माइसयाइं जाव सव्वालंकारविभूसियाइं तं विपुलं असणं० सुरं च० आसादेमाणाइं गंधव्वेहि य नाडएहि य उवगिज्जमाणाइं २ विहरंति, तते णं से सीहसेणे राया अडढरत्तकालसमयंसि बहूहिं पुरिसेहिं सद्धिं संपरिवुडे जेणेव कूडागारसाला तेणेव उवागच्छति ता कूडागारसालाए दुवाराइं पिहेति ता कूडागारसालाए सव्वतो समंता अगणिकायं दलयति तते णं तासिं एगूणगाणं पंचण्हं देवीसयाणं एगूणाइं पंच माइसयाइं सीह० रण्णा आलीवियाइं समाणाइं रोयमाणाइं० अच्चाणाइं असरणाइं कालधम्मणा संजुत्ताइं, तते णं से सीहसेणे राया एयकम्मे० सुबहं जाव समज्जिणित्ता चोत्तीसं वाससयाइं परमाउं पालयित्ता कालमासे कालं किच्चा छट्ठीए पुढवीए उक्कोसबावीससागरोवमट्ठितीएसु उववण्णे, से णं तओ अणंतं

उव्वट्टित्ता इहेव रोहीडए णगरे दत्तस्स सत्थवाहस्स कण्हसिरीए भारियाए कुच्छिसि दारियत्ताए उववण्णे, तते णं सा किण्हसिरी
 णवण्हं मासाणं जाव दारियं पयाया सुकुमालसुरूवं, तते णं तीसे दारियाए अम्मापितरो निव्वत्तबारसाहियाए विउलं असणं० जाव
 मित्त० नामधेज्जं करेति होउ णं दारिया देवदत्ता नामेणं, तते णं सा देवदत्ता पंचधाईपरिगगहीया जाव परिवड्ढति, तते णं सा
 देवदत्ता दारिया उम्भुक्कबालभावा जोव्वणेणं रूवेणं लावण्णेणं जाव अतीव उक्किट्ठा उक्किट्टसरीरा जाया यावि होत्था, तते णं सा
 देवदत्ता दारिया अण्णया कयाई णहाया जाव विभूसिया खुज्जाहि जाव परिक्खित्ता उप्पि आगासतलगंसि कणगतिंदूसएणं कीलमाणी
 विहरति, इमं च णं वेसमणदत्ते राया णहाते जाव विभूसिते आसं दुरूहति ता बहूहिं पुरिसेहिं सद्धिं संपरिवुडे आसवाहणियाए
 णिज्जायमाणे दत्तस्स गाहावड्ढस्स गिहस्स अदूरसामंतेणं वीतीवयति, तते णं से वेसमणे राया जाव वीतीवयमाणे दारियं उप्पि
 आगासतलगंसि जाव पासति ता देवदत्ताए दारियाए रूवेण य जोव्वणेण य लावण्णेय जायविम्हए कोडुंबियपुरिसे सद्दावेति ता
 एवं व०-कस्स णं देवाणुप्पिया ! एसा दारिया किं च नामधिज्जेणं ?, तते णं ते कोडुंबिया० वेसमणरायं करतल० एवं व०-
 एस णं सामी! दत्तस्स सत्थवाहस्स धूया कण्हसिरीए भारियाए अत्तया देवदत्ता णामं दारिया रूवेण य जोव्वणेण य लावणअमेण
 य उक्किट्ठा उक्किट्टसरीरा, तते णं से वेसमणे राया अस्सवाहणियाओ पडिणियत्ते समाणे अब्भितरट्ठाणिज्जे पुरिसे सद्दावेति ता एवं
 व०-गच्छह णं तुब्भे देवा०! दत्तस्स धूयं कण्हसिरीए अत्तयं देवदत्तदारियं जुवरण्णे भारियत्ताए वरेह जइवि य सा सयरंजसुंका, तते

णं ते अब्भितरद्वाणिज्जा पुरिसा वेसमणरण्णा एवं वुत्ता समाणा हट्ठं करयलं जाव पडिसुणंति ता ण्हाया जाव सुद्धप्पावेसाइं०
 संपरिवुडा जेणेव दत्तस्स गिहे तेणेव उवागया, तते णं से दत्ते सत्थवाहे ते पुरिसे एज्जमाणे पासति ता हट्ठं आसणाओ अब्भुट्ठेति
 ता सत्तट्ठपयाइं अब्भु(पच्चु)ग्गते आसणेणं उवनिमंतेति ता ते पुरिसे आसत्थे वीसत्थे सुहासणवरगते एवं व०-संदिसंतु णं देवाणु०!
 किमागमणपओयणं?, तते णं ते रायपुरिसा दत्तं सत्थवाहं एवं व०-अम्हे णं देवा०! तव धूयं कण्हसिरीए अत्तयं देवदत्तं दारियं
 पूसणंदिस्स जुवरण्णो भारियत्ताए वरेमो तं जति णं जाणसि देवा०! जुत्तं वा पत्तं वा सलाहणिज्जं वा सरिसो वा संजोगो ता
 दिज्जउ णं देवदत्ता भारिया पूसणंदिस्स जुवरण्णो भण देवाणु०! किं दलयामो सुकं ?, तते णं से दत्ते अब्भंतरद्वाणिज्जे पुरिसे
 एवं व०-एतं चेव णं देवाणुप्पिया! ममं सुकं जं णं वेसमणे राया मम दारियाणिमित्तेणं अणुगिण्हइ ते ठाणेज्जपुरिसे विहलेणं
 पुप्फवत्थगंधमल्लालंकारेणं सक्कारेति! ता पडिविसज्जेति, तते णं ते ठाणिज्जपुरिसा जेणेव वेसमणे राया तेणेव उवा! ता वेसमणस्स
 रण्णो एतमट्ठं निवेदंति, तते णं से दत्ते गाहावती अण्णया कयाई. सोहणंसि तिहिकरणदिवसणक्खत्तमुहुत्तंसि विउलं असणं०
 उवक्खडावेतित्ता मित्तनाति० आमंतेति जाव पायच्छित्ते सुहासणवरगते तेणं मित्तं सद्धिं संपरिवुडे तं विउलं असणं० आसादे०
 एवं च णं विहरति जिमित्तभुत्तुत्तरागते आयंते० तं मित्तणाइ० विउलगंधपुप्फजावअलंकारेणं सक्कारेति० ता देवदत्तं दारियं ण्हायं
 जाव विभूसियसरीरं पुरिससहस्सवाहिणिं सीयं दुरूहेति ता सुबहुमित्तं जाव संपरिवुडे सव्विड्ढीए जाव नाइयरवेणं रोहीडगं णगरं

मज्झिमज्झेणं जेणेव वेसमणरण्णो गिहे जेणेव वेसमणे राया तेणेव उवागच्छति ता करयल० जाव वद्धावेतित्ता वेसमणरण्णो देवदत्तं दारियं उवणेति, तते णं से वेसमणे राया देवदत्तं दारियं उवणीत्तं पासित्ता हट्ठ० विउलं असणं० उवक्खडावेति ता भित्तनाति० आमंतेति० जाव सक्कारेति० ता पूसणंदिकुमारं देवदत्तं दारियं च पट्टयंदुरुहेति ता सेयापीतेहिंकलसेहिं मज्जावेतित्ता वरनेंवत्थाइं करेति ता अग्गिहोमं करेति पूसणंदिकुमारं देवदत्ताए पाणिं गिण्हावेति, तते णं से वेसमणे राया पूसणंदिस्स कुमारस्स देवदत्ताए सव्विड्ढीए जाव रवेणं महया इड्ढिसक्कारसमुदणं पाणिग्गहणं कारवेति ता देवदत्ताए अम्मापियरो भित्त० जाव परियणं च विउलं असण० वत्थगन्धमल्लालंकारेण य सक्कारेति० ता पडिविसज्जेति, तते णं से पूसणंदिकुमारे देवदत्ताए दारियाए सद्धिं उप्पि पासाय० फुट्ठ० बत्तीस० उवगेज्ज जाव विहरति, तते णं से वेसमणे राया अण्णया कयाई कालधम्मणा संजुत्ते नीहरणं जाव राया जाए पूसणंदी, तते णं से पूसणंदी राया सिरीए देवीए मायाभत्ते यावि होत्था कल्लाकल्लिं जेणेव सिरी देवी तेणेव उवा० ता सिरीए देवीए पायवडणं करेति सतपागसहस्सपागेहिं तेलेहिं अब्भिग्गावेति अट्टिसुहाए मंस० तया० चम्म० रोमसुहाए चउव्विहाए संवाहणाए संवाहावेति सुरहिणा गन्धवट्टएणं उव्वट्टावेति ता तीहिं उदएहिं मज्जावेति, तं०-उसिणोदएणं सीओदएणं गन्धोदएणं, विउलं असणं० भोयावेति सिरीए देवीए ण्हायाए जाव पायच्छित्ताए जाव जिभियभुत्तुत्तरागयाए ततो पच्छा ण्हाति वा भुंजति वा उरालाइं माणुस्सगाइं भोगभोगाइं भुंजमाणे विहरति, तते णं तीसे देवदत्ताए देवीए अण्णया कयाई पुव्वरत्तावरत्त० कुडुंबजागरि० इमे एयारूवे अज्झत्थिते०

एवं खलु पूसणंदी राया सिरीए देवीए माइभत्ते जाव विहरति तं एएणं वक्खवेणं नो संचाएमि अहं पूसणंदिणा रण्णा सद्धिं उरा० भुंजमाणी विहरित्तए तं सेयं खलु ममं सिरिं देविं अग्गिप्पओगेण वा सत्थ० विसप्पओएण वा मंतपयोगेण वा जीवियाओ ववरोवेत्ता पूसणंदिणा रण्णा सद्धिं उरा० भुंजमाणीए विहरित्तए एवं संपेहेति ता सिरीए देवीए अंतराणि य० पडिजागरमाणी २ विहरति, तते णं सा सिरी देवी अण्णया कयावि मज्जती (प्र०वी) ता विरहियसयणिज्जंसि सुहप्पसुत्ता जाया यावि होत्था इमं च णं देवदत्ता देवी जेणेव सिरी देवी तेणेव उवागच्छति ता सिरिं देवीं मज्जावीतं विरहियसयणिज्जंसि सुहप्पसुत्तं पासति ता दिसालोयं करेतिता जेणेव भत्तघरे तेणेव उवा० ता लोहदंडं परामुसति ता लोहदंडं तावेति ता तत्तं समजोतिभूतं फुल्लकिंसुयसमाणं संडासएणं गहाय जेणेव सिरीदेवी तेणेव उवा० ता सिरीए देवीए अवाणंसि पक्खवेति, तते णं सा सिरी देवी महता सद्देणं आरसित्ता कालधम्मणा संजुत्ता, तते णं तीसे सिरीए देवीए दासचेडीओ आरसियसद्धं सोच्चा निसम्म जेणेव सिरी देवी तेणेव उवा० ता देवदत्तं देविं ततो अवक्कममाणं पासंति जेणेव सिरी देवी तेणेव उवा० ता सिरिं देविं निप्पाणं निच्चेट्ठं जीवविप्पज्जं पासंति हा हा अहो अक्कममितिकट्टु रोयमाणीओ० जेणेव पूसणंदी राया तेणेव उवा० ता पूसणंदिरायं एवं व०-एवं खलु सामी! सिरी देवी देवदत्ताए देवीए अकाले चेव जीवियाओ ववरोविया, तते णं से पूसणंदी रायातांसिं दासचेडीणं अंतिए एयमट्ठं सोच्चा निसम्म महया मातिसोएणं अप्फुण्णे समाणे परसुनियत्तेविव चंपगवरपायवे धसत्ति धरणीयलंसि सव्वंगेहिं सण्णिवडिते, तते णं

से पूसणंदी राया मुहुत्तंतरेणं आसत्थे समाणे बहूहिं राईसरजावसत्थवाहेहिं भित्त० जाव परियणेण य सद्धिं रोयमाणे सिरीए देवीए महत्ता इड्ढीसक्कारसमुदएणं नीहरणं करेति ता आसुरुत्ते देवदत्तं देविं पुरिसेहिं गेण्हावेति ता एतेणं विहाणेणं वज्झं आणावेति, तं एवं खलु गोतमा! देवदत्ता देवी पुरा जाव विहरति, देवदत्ता णं भंते! देवी इतो कालमासे कालं किच्चा कहिं गच्छिहिति कहिं उववज्जिहिति?, गोतमा! असीतिं वासाइं परमाइं पालयित्ता कालमासे कालं किच्चा इमीसे रयणप्पभाए पुढवीए उववज्जिहिइ संसारो वणस्सति० ततो अणंतं उववट्ठित्ता गंगपुरेणगरे हंसत्ताए पच्चायाहिति से णं तत्थ साउणिएहिं वहिते समाणे तत्थेव गंगपुरे सेट्ठि० बोही सोहम्मे महाविदेहे० सिज्झिहिति०, णिक्खेवो ॥२९॥ इति देवदत्ताध्ययनं १॥

जति णं भंते! समणेणं भगवता० दसमस्स उक्खेवो। एवं खलु जम्बू! तेणं कालेणं० वद्धमाणपुरे णामं णगरे होत्था विजयवड्ढमाणे उज्जाणे माणिभदे जक्खे विजयमित्ते राया तत्थ णं धणदेवे नामं सत्थवाहे होत्था अड्ढे० पियंगू भारिया अंजू दारिया जाव सरीरा समोसरणं परिसा जाव पडिगया, तेणं कालेणं० जेट्ठे जाव अडमाणे विजयमित्तस्स रण्णो गिहस्स असोगवणियाए अदूरसामंतेणं वीइवयमाणे पासति एगं इत्थियं सुक्खं भुक्खं निम्मंसं किडिकिडिभूयं अट्ठिचम्मावणद्धं णीलसाडगणियत्थं कट्ठाइं कलुणाइं वीसराइं कूवमाणिं पासित्ता चिंता तहेव जाव एवं व०-सा णं भंते! इत्थिया पुव्वभवे का? वागरणं एवं खलु गोतमा! तेणं कालेणं० इहेव जंबुद्दीवे दीवे भारहे वासे इंदपुरे णामं णगरे तत्थ णं इंददत्ते राया पुढवीसिरी णाणं गणिया वण्णओ, तते

णं सा पुढवीसिरी गणिया इंदपुरे णगरे बहवे राईसरजावप्पभियओ चुण्णप्पओगेहि य जाव अभिओगित्ता उरालाईं माणुस्सगाईं भोगबोगाईं भुंजमाणी विहरति, तते णं सा पुढवीसिरी गणिया एयकम्मा० सुबहुं पाव जाव समज्जिणित्ता पणतीसं वाससताइं परमाउं पालयित्ता कालमासे कालं किच्चा छट्ठीए पुढवीए उक्कोसे णेरइत्ताए उववण्णा, सा णं तओ उव्वट्ठित्ता इहेव वद्धमाणे णगरे धणदेवस्स सत्थवाहस्स पियंगुभारियाए कुच्छिसि दारियत्ताए उववण्णा, तते णं सा पियंगुभारिया णवण्हं मासाणं दारियं पयाया नामं अंजूसिरी सेसं जहा देवदत्ताए, तते णं से विजए राया आसवा० जहेव वेसमणदत्ते तहेव अंजू पासति णवरं अप्पणो अट्ठाए वरेति जहा तेतली जाव अंजूए दारियाए सद्धिं उप्पि जाव विहरति, तते णं तीसे अंजूए देवीए अण्णया कयाईं जोणीसूले पाउब्भूते यावि होत्था, तते णं से विजए राया क्कोडुंबियपुरिसे सद्दावेति त्ता एवं व०-गच्छह णं तुब्भे देवाणुप्पिया! वद्धमाणपुरे णगरे सिंधा० जाव एवं वयहएवं खलु देवाणु०! विजय० अंजूए देवीए जोणिसूले पाउब्भूते जो णं इच्छति वेज्जो वा जाव उग्घोसेति तते णं ते बहवे वेज्जा य० इमं एयारुवं० सोच्चा निसम्म जेणेव विजए राया तेणेव उवा० अंजूए देवीए बहूहिं उप्पत्तियाहिं० बुद्धीहिं परिणामेमाणा इच्छंति अंजूएदेवीए जोणिसूलं उवसाभित्तए नो संचाएंति उवसाभित्तए० ततेणं ते बहवे वेज्जा य० जाहे नो संचाएंति अंजूए देवीए जोणिसूलं उवसाभित्तए० ताहे संता तंता परितंता जामेव दिसं पाउब्भूता तामेव दिसं पडिगता, तते णं सा अंजू देवी ताए वेयणाए अभिभूया समाणी सुक्का भुक्खा निम्मंसा कट्ठाईं कलुणाईं वीसराईं विलपति, एवं खलु गोतमा!

अंजू देवी मुरा० जाव विहरति, अंजू णं भंते! देवीइओ कालमासे कालं किच्चा कंहिं गच्छिहिति कंहिं उववज्जिहिति?, गोतमा!
 अंजू णं देवी नउइं वासाइं परमाइं पालयित्ता कालमासे कालं किच्चा इमीसे रयम्भभाए पुढवीए णेरइयत्ताए उववज्जिहिइ एवं
 संसारो, जहा पढमे तहा णेसव्वं जाव वणस्सती० सा णं ततो अणंतं उव्वट्ठित्ता सव्वओभदे णगरे मयूरत्ताए पच्चायाहिति, से
 णं तत्थ साउणिएहिं बधिते समाणे तत्थेव सव्वओभदे णगरे सेट्टिकुलंसि पुत्तत्ताए पच्चायाहिति, सेणं तत्थ उम्मुक्क० तहारूवाणं
 थेराणं अंतिए केवलं बोहिं बुज्झिहिति पव्वज्जा सोहम्मे, ततो देवलोगाओ आउक्खएणं० कंहिं गच्छिहिति कंहिं उववज्जिहिति?,
 गोतमा! महाविदेहे जहा पढमे जाव सिज्झिहिति जाव अंतं काहिति। एवं खलु जंबू! समणेणं जाव संपत्तेणं दुहविवागाणं दसमस्स
 अज्झयणस्स अयमट्ठे पं०, सेठं भंते! २।३॥ इति अंजूसुताध्ययनं १०॥

इति प्रथमः श्रुतस्कंधः १ तेणं कालेणं० रयगिहे णगरे गुणसिलिए चेइए सुधम्मे समोसठे जंबू जाव पज्जुवासमाणे एवं वयासी
 जइ णं भंते! समणेणं जाव संपत्तेणं दुहविवागाणं अयमट्ठे पं० सुहविवागाणं भंते! समणेणं जाव संपत्तेणं के अट्ठे पं०?, तते
 णं से सुहम्मे अणगारे जंबू अणगारं एवं व०-एवं खलु जंबू ! समणेणं जाव संपत्तेणं सुहविवागाणं दस अज्झयणा पं० तं०-
 'सुवाहू भदनंदी य सुजाए य सुवासवे। तहेव जिणदासे य, धणपती य महब्बले ॥३॥ भदनंदी महचंदे वरदत्ते। जति णं भंते!
 समणेणं जाव संपत्तेणं सुहविवागाणं दस अज्झयणा पं० पढमस्स णं भंते! अज्झयणस्स सुहविवागाणं जाव संपत्तेणं के अट्ठे

पं० ?, तते णं से सुहम्मे० जंबू अणगारं एवं व०-एवं खलु जंबू! तेणं कालेणं० हत्थिसीसे णामं णगरे होत्था रिद्धं, तस्स णं हत्थिसीसस्स णगरस्स बहिया उत्तरपुरच्छिमे दिसीभागे एत्थ णं पुप्फकरंडए णामं उज्जाणे होत्था सव्वोउयं, तत्थ णं कयवणमालपियस्स जक्खस्स जक्खायतणे होत्था दिव्वे०, तत्थ णं हत्थिसीसे णगरे अदीणसत्तू नामं राया होत्था महया०, तस्स णं अदीणसत्तुस्स रण्णो धारिणीपामोक्खं देवीसहस्सं ओरोहे यावि होत्था, तते णं सा धारिणी देवी अण्णया कयाई तंसि तारिसगंसि वासभवणंसि सीहं सुभिणे० जहा मेहजम्भणं तहा भाणियव्वं सुबाहुकुमारे जाव अलंभोगसमत्थं यावि जाणेति अभपियरो पंच पासायवडंसगसयाइं कारेंति अब्भुग्गयं० भवणं एवं जहा महब्बलस्स रण्णो णवरं पुप्फचूलापामोक्खाणं पंचण्हं रायवरकण्णगसयाणं एगदिवसेणं पाणिं गेण्हावेति तहेव पंचसइओ दाओ जाव उप्पि पासायवरगते फुट्टं० जाव विहरति, तेणं कालेणं० समणे भगवं० समोसरणं० परिसा निग्गया अदीणसत्तू निग्गते जहा कूणिए सुबाहूवि जहा जमाली तहा रहेणं णिग्गते जाव धम्मो कहिओ राया परिसा य पडिगता, तते णं से सुबाहू कुमारे समणस्स भगवओ० धम्मं सोच्चा निसम्म हट्टं० उट्ठाए० जाव एवं वयासीसद्दहामि णं भंते! निग्गंथं पावयणं० जहा णं देवाणुप्पियाणं अंतिए बहवे राईसरजाव नो खलु अहं०, अहं णं देवा० अंतिए पंचाणुव्वतियं सत्तसिक्खावतियं (दुवालसविहं) गिहिधम्मं पडिवज्जामि, अहासुहं०, मा पडिबंधं०, तते णं से सुबाहू समणस्स० अंतिए पंचाणुव्वतियं सिक्खा वतियं गिहिधम्मं पडिवज्जति, तमेव रहं दुरुहति जामेव० दिसं पा० तामेव० पडिगते, तेणं कालेणं० जेट्ठे

॥ श्री विपाकदशाङ्गम् ॥

६२

पू. सागरजी म. संशोधित

अंतेवासी इंदभूती जाव एवं व०-अहो णं भंते! सुबाहुकुमारे इट्ठे इट्ठरूवे कंते० पिए० मणुण्णे० मणामे० सोमे सुभगे पियदंसणे सुरूवे बहुजणस्सविय णं भंते! सुबाहु कुमारे इट्ठे० सोमे० साहुजणस्सविय णं भंते! सुबाहुकुमारे इट्ठे इट्ठरूवे जाव सुरूवे, सुबाहुणा भंते! कुमारेणं इमा एयारूवा उराला माणुसरिद्धी किण्णा लद्धा किण्णा पत्ता किण्णा अभिसमण्णागया के वा एस आसी पुव्वभवे?, एवं खलु गोतमा! तेणं कालेणं० इहेव जंबुद्वीवे दीवे भारहे वासे हत्थिणाउरे णाणं णगरे होत्था रिद्ध०, तत्थ णं हत्थिणाउरे णगरे सुमुहे णामं गाहावती अड्ढे०, तेणं कालेणं० धम्मघोसा णामं थेरा जातिसंपण्णा जाव पंचहिं समणसतेहिं सद्धिं संपरिवुडा पुव्वाणुपुव्वि चरमाणा गा० दूइज्ज० जेणेव हत्थिणापुरे णगरे जेणेव सहस्संबवणे उज्जाणे तेणेव उवा० ता अहापडिरूवं उग्गहं उ० संजमेणं तवसा अप्पाणं भावेमाणा विहरंति, तेणं कालेणं० धम्मघोसाणं थेराणं अंतेवासी सुदत्ते नामं अणगारे उराले जाव लेस्से मासंमासेणं खममाणे विहरति, तते णं से सुदत्ते अणगारे मासखमणपारणगंसि पढमपोरिसीए सज्झायं करेति जहा गोतमसामी ज (त) हेव सुहम्मे (दत्ते) धम्मघोसे थेरे आपुच्छति जाव अडमाणे सुमुहस्स गाहावतिस्स गिहं अणुपविट्ठे, तते णं से सुमुहे गाहावती सुदत्तं अणगारं एज्जमाणं पासति ता हट्ठतुट्ठे आसणाओ अब्भुट्ठेति पायपीढाओ पच्चोरुहति ता पाउयाओ ओमुयति एगसाडियं उत्त० सुदत्तं अणगारं सत्तट्ठपयाइं पच्चुग्गच्छति तिक्खुत्तो आयाहिणं पयाहिणं करेइ ता वंदति नमंसति ता जेणेव भत्तधरे तेणेव उवागच्छति ता सयहत्थेणं विहलेणं असणपाण० पडिलाभेस्सामीति तुट्ठे, तते णं तस्स सुमुहस्स गाहावइस्स तेणं दव्वसुद्धेणं

दायगसुद्धेणं पडिगाहगसुद्धेणं तिविहेणं तिकरणसुद्धेणं सुदत्ते अणगारे पडिलाभिते समाणे संसारे परिक्कीकते मणुस्साउए निबद्धे
 गिहंसि य से इमाइं पंच दिव्वाइं पाउब्भूताइं तं०-वसुहारा वुड्ढा दसद्धवण्णे कुसुमे निवतिते चेलुक्खेवे कते आहताओ देवदुंदुभीओ
 अंतरावि य णं आगासंसि अहो दाणमहोदाणं घुट्ठे य०, हत्थिणाउरे सिंघाडगजावपहेसु बहुजणो अण्णमण्णस्स एवं आइक्खइ०-
 धण्णे णं देवा०! सुमुहे गाहावती जाव तं धण्णे णं देवाणु० सुमुहेगाहावई, तते णं से सुमुहे गाहावती बहूइं वाससताइं आउयं
 पालेति ता कालमासे कालं किच्चा इहेव हत्थिसीसए णगारे अदीणसत्तुस्स रण्णो धारिणीए देवीए कुच्छिसि पुत्तत्ताए उववण्णे,
 तते णं सा धारिणी देवी सयणिज्जंसि सुत्तजागरा २ ओहीरमाणी २ तहेव सीहं पासति सेसं तं चेव जाव उप्पिं पासादे विहरति,
 तं एवं खलु गोतमा! सुबाहुणा इमा एयारूवा मणुस्सरिद्धी लद्धा०, पभू णं भंते! सुबाहुकुमारे देवाणु० अंतिए मुंडे भवित्ता आगाराओ
 अणगारियं पव्वइत्तए?, हंता पभू, तते णं से भगवं गोयमे समणं भगवं० वंदति नमंसति ता संजमेणं तवसा अप्पाणं भावेमाणे
 विहरति, तते णं से समणे भगवं० अण्णया कयाई हत्थिसीसाओ णगराओ पुप्फगउज्झाणाओ कतवणमालजक्खायतणाओ पडि०
 ता बहिया जणवयविहारं विहरति, तते णं से सुबाहु कुमारे समणोवासए जाते अभिगयजीवाजीवे जाव पडिलाभेमाणे विहरति,
 तते णं से सुबाहु कुमारे अण्णया कयाई चाउदसट्टमुद्धिदुपुण्णमासिणीसु जेमेव पोसहसाला तेणेव उवा० ता पोसहसालं पमज्जति
 ता उच्चारपासवणभूमिं पडिलेहति ता दब्भसंथारगं संथारेइ दब्भसं० दुरूहति अट्टमभत्तं पगेणहति पोसहसालाए पोसहिअ अट्टमभत्तिअ

पोसहं पडिजागरमाणे विहरति, तए णं तस्स सुबाहुस्स कुमारस्स पुव्वरत्तावरत्त काले धम्मजागरियं जागरमाणस्स इमे एतारूवे अज्झत्थिते० धण्णा णं ते गामागरजावसण्णिवेसा जत्थ णं समणे भगवं महावीरे विहरति, धण्णा णं ते राईसर० जे णं समणस्स० अंतिए मुंडा जाव पव्वयंति, धण्णा णं ते राईसर० जे णं समणस्स० अंतिए पंचाणुव्वत्तियं जाव गिहिधम्मं पडिवज्जंति, धण्णा णं ते राईसर० जे णं समणस्स० अंतिए धम्मं सुणेत्ति तं जइ णं समणे भगवं महावीरे पुव्वाणुपुव्वि जाव दूइज्जमाणे इहमागच्छेज्जा जाव विहरिज्जा तते णं अहं समणस्स० अंतिए मुंडे भवित्ता जाव पव्वएज्जा, तते णं समणे भगवं महावीरे सुबाहुस्स कुमारस्स इमं एयारूवं अज्झत्थियं जाव वियाणित्ता पुव्वाणुपुव्वि० दूइज्जमाणे जेणेव हत्थिसीसे णगरे जेणेव पुप्फगउज्जाणे जेणेव कयवणमालप्पियस्स जक्खस्स जक्खायतणे तेणेव उवा० अहापडि० उग्ग० संजमेण जाव विहरति परिसा राया निग्गता, तते णं तस्स सुबाहुस्स कुमारस्स तं महया० जहा पढमं तहा निग्गओ धम्मो कहिओ परिसा राया पडिगता, तते णं से सुबाहु कुमारे समणस्स भगवओ० अंतिए धम्मं सोच्चा निसम्म हट्ठ० जहा मेहो तहा अम्मापियरो आपुच्छति णिक्खमणाभिसेओ तहेव जाव अणगारे जाते ईरियासमिते जाव बंभयारी, तते णं से सुबाहु अणगारे समणस्स भगवओ महावीरस्स तहारूवाणं थेराणं अंतिए सामाइयमाइयाइं एक्कारस अंगाइं अहिज्जति त्ता बहूहिं चउत्थ० तवोविहाणेहिं अप्पाणं भावेत्ता बहूइं वासाइं सामण्णपरियागं पाउणित्ता मासियाए संलेहणाए अप्पाणं झूसित्ता सट्ठिं भत्ताइं अणसणाए छेदित्ता आलोइयपडिक्कंते समाहिं पत्ते कालमासे कालं किच्चा

सोहम्मे कप्पे देवत्ताए उववण्णे, से णं ततो देवलोयाओ आउक्खएणं भवक्खएणं तित्तिक्खएणं अणंतरं चयं चइत्ता माणुसं विग्गहं लब्धिहिति ता केवल बोहिं बुज्झिहिति ता तहारूवाणं थेराणं अंतिए मुंडे जाव पव्वइस्सति, से णं तत्थ बहूइं वासाइं सामण्णं पाउणिहिति ता आलोइयपडिक्कंते समाहि० कालगते सणंकुमारे कप्पे देवत्ताए उववण्णे, से णं ताओ देवलोयाओ० ततो माणुस्सं पव्वज्जा बंभलोए माणुस्सं महासुक्के माणुस्सं आणए० ततो माणुस्सं आरणे माणुस्सं सव्वट्टुसिद्धे, से णं ततो अणंतरं उव्वट्टित्ता महाविदेहे जाव अइढाइं जहा दढपतिण्णे सिज्झिहिति०, तं एवं खलु जंबू! समणेणं जाव संपत्तेणं सुहविवागाणं पढमस्स अज्झयणस्स अयमट्ठे पं० ॥३१॥ इति सुबाहुकुमाराध्ययनं १॥

बित्थियस्स उक्खेवओ, एवं खलु जंबू! तेणं कालेणं० उसभपुरे णगरे थूभकरंडे उज्जाणे धणओ जक्खो धणावहो राया सरस्सती देवी सुभिणदंसणं कहणं जम्भणं बालत्तणं कलाओ य जोव्वणं पाणिग्गहणं दाओ पासाद० भोगा य जहा सुबाहुस्स नवरं भद्वनंदी कुमारे सिरिदेवीपामोक्खाणं पंच सया० सामिस्स समोसरणं सावगधम्मं० पुव्वभवपुच्छा महाविदेहे वासे पुंडरीगिणी णगरी विजए कुमारे जुगबाहू तित्थंगरे पडिलाभिते मणुस्साउए बद्धे इह उप्पण्णे, सेसं जहा सुबाहुस्स जाव महाविदेहे सिज्झिहिति बुज्झिहिति मुच्चिहिति परिणिव्वाहिति सव्वदुक्खाणमंतं करेहिति ॥भद्रनन्द्यध्ययनं॥

तच्चस्स उक्खेवओ, वीरपुरं णगरं मणोरमे उज्जाणे वीरकण्हमित्ते राया सिरी देवी सुजाए कुमारे बलसिरिपामोक्खाणं पंच

સયા સામી સમોસરણં પુવ્વભવપુચ્છા ડસુયારે ણગેર ડસભદત્તે ગાહાવતી પુપ્ફદંતે અણગારે પડિં ઇહ ડપ્પણે જાવ મહાવિદેહે સિન્ઝિહિતિં ॥ સુજાતાધ્યયનં ૩ ॥

ચડત્થસ્સ ડવ્વેવઓ, વિજયપુરં નગરં નંદણવણં ડજ્ઞાણં અસોગો જક્કો વાસવદત્તે રાયા કણ્ઠા દેવી સુવાસવે કુમારે મહાપામોક્ષાણં પંચ સયા જાવ પુવ્વભવે કોસંબી ણગરી ધમપાલે રાયા વેસમણમ્હે અણગારે પડિલાભિતે ઇહં ડપ્પણે જાવ સિન્ઢે ॥સુવાસવાધ્યયનં ૪ ॥

પંચમસ્સ ડવ્વેવઓ, સોગંધિયા ણગરી ણીલાસોગે ડજ્ઞાણે સુકાલો જક્કો અપડિહઓ રાયા સુકણ્ઠા દેવી મહચંદે કુમારે તસ્સ અરહદત્તા મારિયા જિણદાસો પુત્તો તિત્થયરાગમણં જિણદાસપુવ્વભવો મન્ઝમિયા ણગરી મેહરહો રાયા સુધમ્મે અણગારે પડિલાભિતે જાવ સિન્ઢે ॥જિનદાસાધ્યયનં ૫ ॥

છટ્ઠસ્સ ડવ્વેવઓ, કણગપુરં ણગરં સેતાસોયં ડજ્ઞાણં વીરમ્હો જક્કો પિયચંદો રાયા સુમહા દેવી વેસમણે કુમારે જુવ (પ્રં ગ) રાયા સિરીદેવીપામોક્ષાણં પંચ સયા તિત્થયરાગમણં ધણવતી જુવ (પ્રં ગ) રાયપુત્તે જાવ પુવ્વભવે મણિવયા ણગરી મિત્તો રાયા સંમૂયવિજા અણગારે પડિલાભિતે જાવ સિન્ઢે ॥ ધનપત્યધ્યયનં ૬ ॥

સત્તમસ્સ ડવ્વેવઓ, મહાપુરં ણગરં રત્તાસોગં ડજ્ઞાણં રત્તપાઓ જક્કો બલે રાયા સુમહા દેવી મહબ્બલે કુમારે રત્તવતીપામોક્ષાણં

पंच सया तित्थगरागमणं जाव पुव्वभवो मणिपुरं णगरं णागदत्ते गाहावती इंदद(प्र० पु)त्ते अणगारे पडिलाभिते जाव सिद्धे ॥महाबलाध्ययनं ७॥

अट्टमस्स उक्खेवओ, सुघोसं णगरं देवरमणं उज्जाणं वीरसेणो जक्खो अज्जुणो राया तत्तवती देवी भद्वन्दी कुमारे सिरिदेवीपामोक्खाणं पंच सया जाव पुव्वभवे महाघोसे णगरे धम्मघोसे गाहावती धम्मसीहे अणगारे पडिलाभिते जाव सिद्धे ॥भद्रनन्द्यध्ययनं ८॥

णवमस्स उक्खेवओ, चंपा णगरी पुण्णभदे उज्जाणे पुण्णभद्वो जक्खो दत्ते राया रत्तवती देवी महचंदे कुमारे जुव० सिरिकंतापामोक्खाणं पंच सया जाव पुव्वभवो तिगिच्छी नगरी जितसत्तू राया धम्मविरिए अणगारे पडिलाभिए जाव सिद्धे ॥महाचन्द्राध्ययनं ९॥

जति णं० दसमस्स उक्खेवओ, एवं खलु जंबू! तेणं कालेणं० साएयं णामे णगरे होत्था उत्तरकुरू उज्जाणे पासमिओ जक्खो भित्तणंदी राया सिरिकंता देवी वरदत्ते कुमारे वरसेणापामोक्खाणं पंच देवीसया तित्थगरागमणं सावगधम्मं० पुव्वभवपुच्छा सयदुवारे णगरे विमलवाहणे राया धम्मरुई अणगारे एज्जमाणं पासति ता पडिलाभिते मणुस्साउए निबद्धे इहं उप्पण्णे, सेसं जहा सुबाहुस्स कुमारस्स चिंता जाव पव्वज्जा, कप्पंतरिओ जाव सब्बट्टसिद्धे ततो महाविदेहे जहा दढपतिण्णे जाव सिज्झिहिति०। एवं खलु

जंबू! समणेणं भगवया महावीरेणं जाव संपत्तेणं सुहविवागाणं दसमस्स अज्झयणस्स अयमट्ठे पण्णत्ते। सेवं भंते ! २।३२॥
वरदत्ताध्ययनं १०॥ द्वितीयःश्रुतस्कंधः॥

विवागसुयस्स दो सुयक्खंधा दुहविवागो य सुहववागो य तत्थ दुहविवागे दस अज्झयणा एक्कसरगा दससु चेव दिवसेसु उद्दिसिज्जंति, एवं सुहविवागे, सेसं जहा आयारस्स ।३३॥ इति श्री विपाकदशाङ्गम् सूत्रं संपूर्णं॥ प्रभु महावीरस्वामीनी पट्टपरंपरानुसार कोटीगण-वैरी शाखा-चान्द्रकुल प्रचंड प्रतिभा संपन्न, वादी विजेता परमोपास्य पू. मुनि श्री झवेरसागरजी म.सा. शिष्य बहुश्रुतोपासक, सैलाना नरेश प्रतिबोधक, देवसूर तपागच्छ, समाचारी संरक्षक, आगमोद्धारक पूज्यपाद आचार्यदेवेश श्री आनंदसागर सूरेश्वरजी महाराजा शिष्य प्रौढ प्रतापी-सिद्धचक्र आराधक समाज संस्थापक पूज्यपाद आचार्य श्री चन्द्रसागर सूरेश्वरजी म. सा. शिष्य चारित्र चूडामणी, हास्य विजेतामालवोद्धारक महोपाध्याय श्री धर्मसागरजी म.सा. शिष्य आगम विशारद, नमस्कार महामंत्र समाराधक पूज्यपाद पंन्यास प्रवर श्री अभयसागरजी म. सा. शिष्य शासन प्रभावक, नीडर वक्ता पू. आ. श्री अशोकसागर सूरिजी म.सा. शिष्य परमात्म भक्ति रसभूत पू. आ. श्री जिनचन्द्रसागर सू.म.सा. लघुगुरुभ्राता प्रवचन प्रभावक पू.आ. श्री हेमचन्द्रसागर म.सा. शिष्य पू. गणी श्री पूर्णचन्द्रसागरजी म. सा. आ आगमिक सूत्र अंगे सं. २०५८/५९/६० वर्ष दरम्यान संपादन कार्य माटे महेनत करी प्रकाशन दिने पू. सागरजी म. संस्थापित प्रकाशन कार्यवाहक जैनानंद पुस्तकालय, सुरत द्वारा प्रकाशित करेल छे...

॥ श्री विपाकदशाङ्गम् ॥

६९

पू. सागरजी म. संशोधित

